

ICA: "Ta importante y ta bon si pa estado wordo monitoreada pa religion"



Pagina 2

• **Team Narcotica ta continua trahando pa evita benta di droga**

Pagina 3

• **Wardacosta a detene nueve indocumentado y 850 kilo di cocaina y marihuana**

Pagina 4

• **Januari 2024 a aumenta e uitkering di pensioen di biehes cu 4.12%**

Pagina 6

Gran apertura di basketball court na Village, San Nicolas



Pagina 17

Lider di CDA ta adverti cu libertad "no ta den bon man" cu PVV



Pagina 9

Atake mortal na Moscu ta pone duda riba seguridad na e pais



Pagina 22

EASTER BINGO

\$39,851

PROGRESSIVE™

Alhambra
CASINO AND SHOPS

BACK TO BACK EASTER BINGO!

March 31 & April 1 | 1pm

8 Games to Play! \$8.50 for 4 Cards!

Progressive within 51 Calls Progressive within 52 Calls Progressive within 53+ Calls

\$500 \$300 \$200

Special Door Prizes | Over \$2,000 in Total Payouts!

Double your prize with **DOUBLE POWERBALL™**

*Progressive within 50 calls, amount unless hit before 3/31/24. **Except on Progressive.

BINGO Games and Prizes

Game 1	Letter X	\$100
Game 2	Large Diamonds	\$100
Game 3	Lucky 7	\$125
Game 4	Letter H	\$125
30 Minute Break / Pick 5 Winners		
Game 5	+ or Cross	\$250
Game 6	Postage Stamps	\$250
Game 7	Letter T	\$300
Game 8	Full Card	\$1000

Open daily 10am to 3am | J.E. Irausquin Blvd #47 | 583.5000 | casinoalhambra.com
Play Responsibly. Visit www.gamblersanonymous.org if you or someone you know has a gambling problem.

ICA: “Ta importante y ta bon si pa estado wordo monitoreo pa religion”

Dia 10 di november 2023 a tuma luga na Den Haag den Corte di Casacion e tratamiento oral di e casonan di Aruba y Corsou tocante e apertura di matrimonio pa parehanan di mesun sexo. Ainda no tin un veredicto ariba e caso aki y Corte tin te cu dia 31 di mei pa bin cu un decision final.

Den un entrevista cu Bon Dia Aruba pastoor Norman Browne y pastoor Frank Daal di Iglesianan Cristian Aruba (ICA) a elabora ariba diferente, entre otro con Parlamento di Aruba mester consulta pueblo prome cu tuma un decision definitivo.

Pastoor Frank a splica cu Estado y religion ta separa for di otro, pero ora Estado drenta den religion, e resultado ta cu tin un Estado cu ta cay den bruheria pasobra e ora e religion ta comprometi. Algo cu segun el a señala ta e caso caba na algun pais den Caribe y pa motibo di esaki e sociedad ta completamente bruha.

“Ta importante y ta bon si pa Estado wordo monitoreo door di religion caminda semper tin un voz, unda e palabra di Dios ta wordo muestra back na hende. No tin miho instancia pa haci esey cu iglesia,” el a remarca.

El a sigui splica cu iglesia tin cu cuida e absolutonan di Dios y cu pa e motibo ey tambe iglesianan Cristian di Aruba no ta wordo paga ni subsidia pa gobierno ni niun hende.

“E bon boluntad di e hendenan ta contribui, manera palabra di Dios mes ta bisa. Esey ta tene nos puro y posiciona pa nos por papia den tur frankesa y libertad y muestra palabra di Dios na e pueblo,” el a subraya.

Pastoor Daal a resalta cu den parlamento tin algun persona cu “ta laga nan moralnan na cas y nan tin cu firma un ley.” El a indica cu aworaki ta trata e tema di e legalisacion pa matrimonio di mesun sexo, pero mañan e por ta pa hinca pais Aruba den mas debe. “No tin moral, no tin pariba, no tin pabao, no tin freno, no tin control, no tin nada,” el a subraya.

El a splica cu berdad ora cu ta trata ley tin diferente pro-



ceduranan cu mester sigui y tecnicidadnan, pero el a remarca cu ora e leyman aki a wordo poni den otro pa Corte Supremo di Derecho Humano, e tempo ey niun hende a pensa cu lo coy e matrimonio y pone un caminda cu homber cu homber muhe cu muhe tin cu wordo reconoci como matrimonio.

“Niun dia e tabata den e curason di e personanan cu a hinca e ley- y tratadonan aki den otro, ni a pensa cu e lo evolucion y yega te ki nan. Bo ta haya un mal uso di e buraconan cu a asumi cu esaki no lo pasa, pa bin cu e cosnan aki,” pastoor Daal a indica.

El a sigui splica cu pa motibo di nan punto di bista hende-

nan ta yama nan “profeta” di desaster cu ta bisa cu si aproba e leyman aki, un tsunami ta bay bin Aruba. Pastoor Daal a enfatisa cu e tsunami t’ey caba, pero den otro forma. El a indica cu for di momento cu un mayor no por paga pa su yiu haya un educacion decente na Aruba, ya un tsunami a yega pasobra antes esey no tabata problema na Aruba y mayornan por a paga pa educacion na Aruba.

El a señala tambe e cuidio medico awendia. El a indica cu 10, 20 of 30 aña pasa no tabatin cuent’i recaudamento di fondo pa hende bay busca nan salud pa e cosnan di mas basico, pero awendia esey ta e tendencia.

El a agrega cu como iglesia

constantemente nan mester yuda un mama soltero, constantemente nan mester yuda un mucha cu laptop of cu paña pa ora scol habri pasobra Aruba no tin presupuesto pa e cos nan ey mas.

“Huicio t’ey caba. Nos ta para na Seroe Colorado warda e lama bin, pero e lama a bin den otro forma, el a lanta den otro forma,” el a subraya.

Pastoor Norman Browne a trece pa dilanti como ehemplo Hulanda, cu a aproba matrimonio di mesun sexo desde 2001. El a resalta cu kizas Hulanda ta prospera economicamente te cu nan a yuda Aruba durante pandemia, pero si wak socialmente, Hulanda ta “na werki”.

El a indica cu Hulanda ta e pais number uno cu problemanan mental na Europa. Pastoor Browne a subraya cu Hulanda ta hopi tolerante pa matrimonio di mesun sexo, sin embargo e problemanan mental entre poblacion homosexual no a cambia, no a baha y a keda mesun halto y ta hasta mas halto cu e generacion regular.

Sperando ainda e veredicto final di Corte di Casacion di Hulanda, Pastoor Brown y Pastoor Daal a splica cu e siguiente stap cu nan por tuma, den caso cu e veredicto ta bisa pa Aruba y Corsou aproba matrimonio pa parehanan di mesun sexo, ta pa acudi na e Parlamento di Aruba.

Pastoor Browne a splica cu Corte no ta traha ley, ta e Parlamento di Aruba y e Parlamento di Corsou ta traha e leyman y den e caso asina ainda pueblo tin e oportunidad di exigi di nan parlamentarianan pa no tuma e decision aki nan so y consulta cu pueblo pasobra nan ta representa e pueblo. “Parlamento no por tuma un decision asina fundamental sin consulta cu pueblo,” el a enfatisa.

El a menciona cu na Aruba, gobernantenan ta bisa, cu no tin ley di referendum, pero nan punto di bista ta cu mester tin un ley di referendum. El a indica cu gobierno por pasa cualkier decreto gubernamental pa implementa algo asina temporalmente simplemente pa e caso aki.

“Mester respeta e custumber y cultura di un pais. Un pais cu a wordo lanta riba fundeshi Cristian. Mester haci un referendum. No por ta cu 11 hende ta bay kibra matrimonio manera cu e tabata pa tur e añanan. Aruba a yega te ‘kinan y e bon cu tin ainda ta danki na e absolutonan Cristian. Ora bo coy un entidad asina fundamental den sociedad y desbarate for di otro, no tin limite mas,” el a enfatisa.



Team Narcotica ta continua trahando pa evita benta di droga

For di momento cu a crea Team di Narcotica di manera oficial na Aruba dia 1 di augustus 2023, por mira e resultado pa stop benta di droga rond di e isla, na unda varios detencion, entradanan hudicial y detencion ta bin tumando lugha.

Cuerpo Policial a informa cu diasabra ultimo durante dia e Team di Narcotica a haci diferente entrada hudicial y tambe detencion na unda a detene e homber cu inicial "F" di 32 aña di edad na ex-United Dinner pa benta di droga. Tambe a confisca diferente droga, entre nan cocaina, cocaina base, marihuana y tambe a haya municion.

Igualmente a haci entrada hudicial na Panamastraat, nan a señala cu eynan Team Narcotica a confisca cocaina y marihuana.

Durante e accion aki di cual Team Narcotica, a forma parti e team di Aresto, Flex Team y Unidad di K-9, di e forma aki por mira cu Team Narcotica ta trahando incansablemente pa combati e benta di droga diariamente.

For di augustus di aña pasa, comunidad di Aruba a haya sa di Unit Narcotica e cual ta un unidad di Cuerpo Policial Aruba cu oficialmente a ser lanta dia 1 augustus 2023, e unidad ta investiga tur loke ta



benta di droga for di casnan, ariba caya, delivery, plataforma social y hasta area di hotelnan. Tambe e unidad ta investiga tur droga cu ta intercepta pa Aduana, US Customs na aeropuerto, door di ambtenaarnan di KIA tambe tur droga haya durante cu-alkier control policial. Unit Narcotica ta resorta directamente bao di Comisario di Algemene Dienst.

Haciendo un recuento di loke ta trata e accion pa benta di droga. tabata dia 25 di augustus ora Cuerpo Policial a informa tocante un entrada

judicial na Kamay caminda a detene un persona, un hende homber naci na Aruba cu inicial J.P.E. enconexion cu benta di marihuana, cocaina y como tambe xtc.

Na e sitio a confisca basta droga, pa esaki nan indica cu e investigacion ta andando ainda y nan no tabata descarta cu lo por tin mas detencion.

Di mesun manera, dia 25 di juli Cuerpo di Polis tambe a informa tocante un entrada cu nan a haci na a 1 cas na Kamay y un cas na Kurimiauw.

Den e cas na Kamay a haya droga y a detene un hende homber di inicialnan J.P.E. naci na Aruba di 23 aña di edad.

Na e cas na Kurimiauw a detene un hende homber di inicialnan G.D.S. naci na Aruba di 40 aña.

Pa 18 di augustus, e instancia tambe a señala cu 17 di augustus ultimo den oranan di anochi team di aresto a haci un entrada hudicial na un cas situa na Macuarima.

Na e cas a tuma lugha dos detencion esaki enconexion cu un investigacion andando di e Unit Narcotica. E dos personanan deteni ta un hende homber J.E.G. y un hende muhe S.F.Y.F. tur dos nacionalidad Hulandes.

Igualmente 18 di augustus den ora nan di atardi relaciona cu e mesun caso team di aresto a haci un entrada hudicial na un cas na Bushiri. Akinan a detene 1 homber J.H.G.M. di nacionalidad Colombiano

y tambe a detene un persona indocumenta.

Durante e accion a confisca basta droga (cocaina y marihuana) como tambe auto. Nan no a descarta cu lo por tabatin mas detencion.

Pa dia 8 di september, nan tambe a informa cu Cuerpo di Polis di Aruba a informa cu Unit Narcotica tabata continua activo riba caya pa loke ta trata benta di droga y nan a haci dos entrada hudicial relaciona cu esaki.

En conexion cu un investigacion andando pa Unit Narcotica, a tuma lugha un entrada hudicial den e barrio di Jucuri y a detene un hende homber Colombiano di inicialnan O.D.T.J. di 35 aña di edad.

E investigacion a sigui su curso y un dia despues a tene un otro entrada hudicial den rancho en conexion cu e mesun caso. Akinan a detene un hende homber cu inicialnan J.J.M.G di 41 aña di edad. Na e sitio a haya un cantidad

grandi di cocaina, marihuana y piedra. Tur esakinan a ser confisca pa mas investigacion.

Na october, a bira conoci cu Unit Narcotica hunto cu personalnan di Douane tabata trahando estrechamente cu otro pa algun siman riba un caso grandi di benta di droga na turista den e areanan di hotel.

Den tempo ey, nan a haci diferente detencion, unda un turista a ser deteni biniendo for di New York, akinan ta trata di e homber cu inicialnan P.J.G. di nacionalidad Mericano di 43 aña di edad. E team investigativo tabatin indicacion fuerte cu ta trata di un banda criminal trahando hunto for di diferente pais.

Investigacion a sigui y Unit Narcotica a logra detene e homber di inicialnan F.S.G.G. di 41 aña di edad naci na Jamaica.

Den aña aki 2024, e sospechosonan deteni tambe pa benta di droga tabata un homber di inicial J.E.M. naci na Republica Dominicana 28 aña di edad, un hende muhe di inicial J.M.M.M naci na Republica Dominicana di 29 aña di edad y tambe a detene e homber di inicial M.L.S. naci na Merca di 67 aña di edad como sospechoso den e caso menciona aki.

Durante e investigacion a haci dos entrada hudicial, unda a haya y a confisca un cantidad di placa como tambe diferente tipo di droga.

Cuerpo Policial a indica cu e caso grandi aki keto bay ta den pleno investigacion y nan no tabata descarta cu lo tabatin mas detencion proximo caminda diasabra a logra detene un otro hende mas.



Temporada di campamento 2024 a cuminsa

Mester corda pa cuida y mantene beach y naturalesa limpi

Temporada di campamento 2024 a cuminsa oficialmente, un tradicion cu hopi Arubiano ta disfruta di dje na unda ta disfruta di e dianan di Semana Santa na lama. Pero ta hopi importante pa recorda henter pueblo di Aruba pa cuida e beachnan y naturalesa durante e dianan aki.



Durante e temporada di campamento mayoria playa rond di Aruba ta wordo yena cu trailer y tent unda Arubianonan ta disfruta di e dianan di Semana Santa den famia un tradicion di hopi aña. Mantencion di e playanan y naturalesa ta hopi importante, specialmente durante e temporada aki unda hopi hende ta bishita e playanan.



Ta importante pa e campadornan tene cuenta e importancia di mantene playanan limpi y tuma e medidanan necesario pa recoge tur nan desperdicio y deshaci di esaki adecuadamente.

e deber di e tur esnan cu ta campa y esnan cu ta bishita e playanan den e dianan aki pa haci un esfuerzo y no benta ningun desperdicio di forma ilegal y ni susha e playanan, ni naturalesa.


reau City Inspector tuma accion, of reporta esaki directamente na oficina di Bureau City Inspector.

Mester recorda cu esnan cu wordo gara ta deshaci di nan desperdicio di forma ilegal ta ricibi un boet halto inmediatamente y ademas mester recoge e sushi y deshaci di esaki di e forma corecto.

Ciudadanonan cu ta atento y ta mira cualkier otro persona ta tira sushi di manera ilegal por reporta esaki a traves di e plataforma FIXI pa asina Bu-

Wardacosta a detene nueve indocumentado y 850 kilo di cocaina y marihuana

Diabierna anochi, radar nan a detecta movicion di un boto sospechoso den direccion di Aruba. A pidi e avion DASH di Wardacosta pa asisti pa verifica e contacto.



Den ora nan di marduga di diasabra, 2 Metal Shark a sali pa asina topa cu un boto tipo 'Yola' cu un total di 9 persona indocumenta cu nacionalidad Venezolano abordo. Prome cu unidad nan a yega, persona nan riba e boto a logra di benta bultonan den awa, pero unidad nan di Wardacosta cu asistencia di e helicopter a recupera nan. Ta trata di mas o menos 850 kilo di cocaina y marihuana, cu a

wordo confisca.

E personanan y e narcoticonan a ser entrega na personal di Cuerpo Policial di Aruba. A sigui cu e proceso di investigacion y a destrui tur droga.

Reduccion di 0.5% den indice di cuminda y servicio di catering na februari

Recientemente, CBS a publica e **Indice di Prijs di Consumo**. Den esaki, a destaca cu e **indice di "cuminda y servicio di catering"** a registra un **caida di 0.5% na februari 2024, cu e caida mas grandi den indice di "fruta"**.

Otro caidanan significante a wordo registra den e indicenan di "Berdura" (-2.5%), "Batata, yuca y batata dushi" (-1.7%) y "Lechi, keshi y webo" (-0.9%).

E indice di "Cuminda & servicio di catering" a registra un caida di 0.5% na Februari 2024, despues di a registra un subida di 1.0% na Januari 2024.

E subida mas grandi a wordo registra den e indice di "Sucu, jam y otro tipo di cos dushi" (0.7%) na Februari 2024.

E indice di "Cuminda na cas" (-0.7%) a registra un caida, unda shete (7) di e diesun (11) indicenan di e gruponan di cuminda na cas a baha na Februari 2024.

E indice di "Cuminda pafo di cas" a registra un subida di 0.1% na Februari 2024.

E indice di "Fruta" a conoce e caida di mas grandi (-5.0%) na Februari 2024.

Na Februari 2024, "Cuminda na cas" y "Cuminda pafo di cas" como grupo, tabatin un caida di prijs di 0.5% compara cu Januari 2024 y hunto tabatin un influencia di -0.08 ppt riba e CPI, mientras cu e restante bienes y servicio hunto a experencia un subida di prijs di 0.4% y tabatin un efecto di 0.32 ppt riba e CPI.

TA ANUNCIA

Relaciona cu celebracion di **Semana Santa**

Ta participa cu **NO** lo tin edicion regular di **Bon Dia y Aruba Today** riba 29, 30 di maart y 1 di april, 2024.

Pa e motibo aki ta hasi un suplica na tur esunnan cu ta desea di publica aviso den **Bon Dia y Aruba Today** pa diamars 2 di april pa por fabor entrega esaki no mas laat cu diahuebs 28 di maart prome cu 5'or of sino email na aviso@bondia.com

Gerencia

Tabel 10 Cambio di porcentahe pa Cuminda & servicio di catering

Sector	Peso	Indice			Cambio di porcentahe			Efecto	
		Feb-23	Jan-24	Feb-24	Luna actual Dic - Jan	Luna actual Jan - Feb	Tasa anual Feb-23 - Feb-24	Luna actual Jan - Feb	Tasa anual Feb-23 - Feb-24
Cuminda & servicio di catering	1,517.5	114.70	118.53	117.95	1.0	-0.5	2.8	-0.081	0.458
Cuminda na cas	1,087.7	114.33	117.52	116.65	1.3	-0.7	2.0	-0.087	0.235
Pan y otro productonan di grano	178.1	115.56	120.40	120.56	0.1	0.1	4.3	0.003	0.083
Carni	242.5	118.53	116.32	116.19	0.7	-0.1	-2.0	-0.003	-0.053
Pisca y otro cuminda di lama	49.0	112.57	110.72	110.26	-0.1	-0.4	-2.1	-0.002	-0.011
Lechi, keshi y webo	135.3	123.77	127.36	126.27	1.8	-0.9	2.0	-0.014	0.031
Azeta y otro productonan traha di vet	32.2	125.29	125.52	126.04	-0.1	0.4	0.6	0.002	0.002
Fruta	97.6	106.84	111.29	105.70	8.0	-5.0	-1.1	-0.050	-0.010
Batata, yuca y batata dushi	18.2	87.06	89.82	88.28	3.1	-1.7	1.4	-0.003	0.002
Berdura	89.1	94.85	98.33	95.89	1.5	-2.5	1.1	-0.020	0.009
Sucu, jam y otro tipo di cos dushi	42.0	115.53	128.50	129.36	0.0	0.7	12.0	0.003	0.054
Restante productonan pa alimentacion	80.1	112.35	121.88	122.59	0.2	0.6	9.1	0.005	0.076
Bebida no alcoholico	123.6	116.65	121.84	121.14	0.9	-0.6	3.8	-0.008	0.019
Cuminda pafo di cas	429.8	115.65	121.09	121.24	0.1	0.1	4.8	0.006	0.223
Otro bienes y servicionan	8,482.5	106.32	106.49	106.89	-0.7	0.4	0.5	0.319	0.454
Otro bienes	4,735.8	109.38	105.53	106.24	-0.9	0.7	-2.9	0.308	-1.384
Otro servicionan	3,746.7	102.45	107.69	107.72	-0.5	0.0	5.2	0.011	1.838
CPI	10,000.0	107.59	108.31	108.57	-0.4	0.2	0.9	0.238	0.913

Source: Central Bureau of Statistics Aruba

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BONDIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Con toxico ta hende riba rednan social?

Hopi usuario ta culpa rednan social di fomenta e toxicidad online, pero un estudio recien publica riba e revista científico "Nature" ta demostra cu a pesar di tur herment di privacidad implementa, e problema aki no ta trata di tecnologia, sino cu ta un fenomeno relaciona cu hende.

Rednan social por bira un espacio toxico, si tin adiccion, tempo di uso excesivo, obsesion pa "likes" y comentari-onan despectivo ta algun di nan dañonan colateral potencial.


E estudio dirigi pa un docente di Universidad Sapienza na Roma, a analisa mas di 500 miyon interaccion online den un tempo di 34 aña den ocho plataforma diferente.

Un di nan hallazgo principal ta cu, contrario na creencia popular, toxicidad riba rednan social no ta un fenomeno exclusivo di era digital. E investigado y su ekipo a descubri cu cierto comportacion humano, incluyendo toxicidad, ta persisti den tempo, independientemente di e cambianan di plataforma y normanan social.

Esaki ta sugeri cu e origen di e problema no tin di haber cu tecnologia, sino den e manera con usuarionan ta interactua riba rednan social. "Estudio aki ta indica cu, a pesar di e cambianan den rednan social y normanan social, cu tempo cierto comportacion humano, incluyendo e toxicidad, ta persisti. Esey ta liga cu comportacion humano y no ta un fenomeno exclusivo di rednan social moderno," Walter Quattrociocchi docente investigado a bisa.

E resultadonan ta desafia e idea cu toxicidad ta aleha usuarionan di un plataforma, segun estudio, e comportacion di personanan den conversacionnan toxico of no toxico ta sorprendentemente similar den terminonan di participacion. Esaki ta sugeri cu toxicidad no necesariamente ta persuadi e participacion manera hende ta supone.

E motibo di pakico ta surgi e situacion aki tin un contesta directo: asina e naturalesa di humanidad ta. Den un ambiente unda usuarionan no ta detecta otro gesto manera stem, toxicidad por manifesta mas facilmente.




"E toxicidad den conversacionnan online no ta detene necesariamente e hendenan pa participa of promove interaccion. Ta un reflejo mas di e mesun comportacion humano cu por mira den plataformanan y contextonan," e investigado ta sigura.

Sinembargo, estudio tambe ta revela cu polarizacion y diferencia di opinion por contribui hopi mas na discusion cu e mesun toxicidad. Esaki ta sugeri cu plataformanan por ta mehorando e moderacion di contenido ora ta enfoca riba filtracion di contenido toxico pa comportacion humano por sobrevivi menos online.

Quattrociocchi ta sigura cu e hallazgo aki por cambia e forma cu plataformanan of rednan ta trece dilanti contenido, fomentando debate saludabel sin ataca otro. Ademas, ta boga pa un consenshi mayor y educacion mediatico pa reduci e toxicidad riba rednan social.

Aunke estudio ta apunta cu cierto toxicidad tin relacion cu comportacion humano riba rednan social, esey no ta implica cu tur interaccion online ta condena pa bira toxico, "e forma mas efectivo di reduci e toxicidad online ta pa haci tur hende bira consciente di e comportacion cu nos tin online, y p'esey nos mester formacion mediatico cognitivo." E investigado ta sigura.

Rednan social tabatin un comienso hopi humilde, e fenomeno tin menos di binti aña unda MySpace tabata e prome red social grandi cu a logra haya un miyon usuario na 2004. Tabata sirbi pa conecta personanan y pa comparti potretnan, ora nos ta pasa na 2019, Facebook ya caba tabata conta cu 2.400



miyon usuario, mientras cu Youtube tin mas di mil miyon. Tur di nan ta haya nan ganashi a traves di avisonan publicitario.

Aumento di rednan social den ultimo decada, a coreponde por supuesto, e cantidad grandi di tempo cu hende ta online, specialmente hobennan, na Europa, por ehemplo, e tempo cu hobennan a inverti online na aña 2020 compara cu dies aña atras, ta ubica entre 2 pa 3 ora pa dia.

Esaki ta importante, ta nifica cu hobennan ta bibando nan bida cada bes mas online, nan ta conecta cu amigonan y famia, ta busca informacion, pero nan tambe ta obheto di acoso of di rumornan y genera opinion tocante e bida di hendenan cu no ta e realidad. Nan ta percibi tanto e parti malo como e parti bon di rednan social.

Rednan social ta diseña pa ta adictivo, nan tambe ta ofrece informacion y purba di haya atencion di usuarionan a traves di "fake news" cu di noticianan "real" verifica. Como consecuencia, e desinformacion ta expande mas lihe y ta yega na un publico mas amplio. Esaki ta genera un efecto toxico riba e confiansa di sociedad den institucionnan democratico, manera eleccionnan, gobiernonan of cualkier otro servicio publico.

Pa e motibo aki, mester educa mas riba con e informacion cu ta lesa online ta funciona, por ehemplo, mester comproba si e fuente of perfil di e persona cu ta comparti un publicacion sospechoso, asina mes, mester consulta fuentenan y no limita nos mes di comparti algo sin l'ese prome, esey ta un eror.

Stichting Parkietenbos na gobierno y miembronan di parlamento;
“Nos habitantenan a duna testimonio; awor mester di decision y accion”

Ayera diadomingo un biaha mas holo malo a afecta e barionan di Mahuma, Parkietenbos, Buena Vista, Simeon Antonio y Bucutiweg. Hasta te na Aeropuerto y Hotel Hyatt Place e holo malo cu ta bin di e dump di Parkietenbos, di Barcadera y di Ser'i Teishi a yega.

Recientemente Stichting Parkietenbos y varios ciudadano di e barionan, entre nan varios adulto mayor a duna testimonio na esnan di Oficina di Maneho di Crisis tocante di e sufrimento cu e habitantenan ta pasando aden. A wordo splica na tur e miembronan di e Oficina di Crisis y e expertonan y hefenan di departamento presente cu e rosea di e habitantenan di e barionan a wordo comprometi y esaki ta un violacion di derechonan humano segun World Health Organisation. E habitantenan a perde e derecho di hala rosea di aire limpi pa motibo cu for di diferente direccion tur dia, aire cu holo malo ta drenta e barionan. Mainta trempan cu e biento di pariba e holor di e desperdicio dera



bao di tera na Ser'i Teishi ta yega den e barionan, esaki ta duna e habitantenan, stress, dolor di cabes, alergía y molestia di wowo.

No ta tur dia e aire ta holer mesun fuerte, sinembargo e gashan di desperdicio cu ta putri bao di suelo, varios di nan no ta holer pero si por ta toxico. Ayera diadomingo, un biaha mas biento a cay y despues a bira, terciendo e holo malo di e dump di Parkietenbos den cas di e habitantenan. Pues na sea cual sea e direccion di

biento, e habitanan ta wordo molestia cu aire contaminado. Awor bisiñanan a descubri tambe con serio y grandi e contaminacion di lama y e tera di lagoen di Bucuti ta. Tin muchanan cu a bay cana canto di lagun y a trapa den santo cu en bes di blanco of bruin a bira preto y azeta a sali. Expertonan local a informa Stichting Parkietenbos cu e lagun mester wordo sanea sino e ta sigui contaminado e areanan mas pabao di nos costa y lama. Mester contene e contaminacion por medio



di sanea e causa y esey ta e dump di Parkietenbos mes. Stichting Parkietenbos a urgi gobierno pa ataca e desastre ambiental aki cu un plan total, un instancia cu reputacion y experticio, preferibel di Hulanda of Merca, lo mester haci un estudio profundo y rapido pa detene e contaminacion den e lagun, sanea e dump di Parkietenbos y para e deramento di desperdicio cu ta tumando lugar na Ser'i Teishi. Gobierno y Par-

lamento mester concentra na aloca e fondonan necesario urgentemente pa remedia e situacion actual y pa traha riba un solucion total y duradero, sin cu un pueblo tin cu bira victima di practicanan di dera desperdicio cu no ta sostenibel ni saludabel.

E habitantenan kier hala rosea di aire limpi atrobe, manera tabata antes y pa sanea nan lagun cu semper nan a landa y pisca.

Minister Dangui Oduber

Januari 2024 a aumenta e uitkering di pensioen di biehes cu 4.12%

Fin di año 2023 Minister di Salubridad Publico y Turismo, Dangui Oduber a anuncia aumento di uitkering di pensioen di biehes cu un 4.12%. Año 2020 y año 2021 tawata e añanan di mas dificil den historia di nos pais. Minister Oduber ta contento di por bisa cu semper e la corda ariba e poblacion cu ta cobra pensioen di biehes y por muestra cu a zorg pa aumenta e uitkering manera cu a haya e oportunidad.

Cu e aumento di 4.12% aki, pensionadonan cu ta parahanan casa a ricibi un aumento di 84,- florin pa luna y pa pensionadonan soltero esaki ta un aumento di 50,- florin pa luna.

E pandemia a pone retonan grandi nos dilanti como pais, pero hunto den union pais Aruba a surpasa tur. Ora nos a kere cu situacion lo bira miho e guerra na Ucrania a cuminsa y esaki a conduci na inflacion rond mundo y fac-

tornan externo cu tin hopi influencia riba Aruba.

Como e Minister encarga cu SVb, naturalmente tin cu pensa riba nos grandinan y con pa yuda nan den e presion cu inflacion a trece cune pa nan. No obstante tur e retonan di año 2020 y 2021, año 2022 a cuminsa muestra mejoracion y 2023 tabata uno excepcional pa nos turismo y economia. E recuperacion rapido di nos turismo y economia ta keda ta uno sublime y ta danki na esaki Gobierno por aumenta e uitkering di pensioen di biehes.

Minister Oduber a indica cu manera tur cos ta bayendo Aruba a cera un año 2023 historico y cu un recuperacion di 100% di nos turismo den comparacion cu año 2019. Esaki sigur ta un logro hopi grandi pa pais Aruba y e ta demostra e resiliencia di nos comunidad. Tur esaki a conduci cu tin espacio pa ahusta uitkering di pensioen di biehes.




DESDE 1 JANUARI 2024

REDUCCION DI PRIMA DI AZV

Kico esaki kermen pa e pensionado?

-  **E pensionado ta ricibiendo un reduccion di prima AZV di 6.5% pa 5.0% riba su prome 30.000,- florin. Dus e ta pagando menos.**
-  **E reduccion aki ta beneficia e fondo di AOV y gobierno ta usa esaki pa aumenta e AOV cu un extra 1,1% yegando asina 4,1%. Asina e pensionado soltero ta subi cu 50,- florin pa luna y 637,50,- pa año.**

A transplanta riñon di porco den persona pa prome biaha



(CNN)—Dokternan a conduci e prome transplanta di un riñon geneticamente modifica for di un porco den un humano na bibo, segun nan a anuncia diahuebs. E operacion di cuatro aña a tuma luga diasabra na Massachusetts General Hospital, cual tambe tabata e prome hospital pa conduci un transplante di riñon na 1954.

E pashent, Rick Slayman di 62 aña cu a ser diagnostica cu malesa mortal di riñon, ta recuperando bon y ta anticipa cu e lo sali di hospital pronto. Dokternan a bisa diahuebs cu nan a pensa cu su riñon por wanta pa varios aña pero tambe a reconoce cu tin hopi cos no conoci ainda den transplantenan animal pa humano.

Den un declaracion provee pa e hospital, Slayman a bisa cu e tabata un pashent den e programa di transplanta di hospital pa 11 aña. Previamente el a ricibi un riñon for di un donante humano na 2018 despues di biba cu diabetes y presion halto pa hopi aña. E riñon ey a cuminsa señal di fayó cinco aña despues, y el a resumi cu dialisis den 2023. “Mi a mir’e no solamente como un manera pa yuda mi, pero un manera pa provee speransa pa miles di hende cu mester un transplanta pa sobrevivi,” Slayman a bisa den un declaracion.

Dokternan cu no tabata involvi den e caso a bisa cu e operacion a representa un logro grandi den e mundo di medicina. “Pa mira porfin esaki yega na su fruto despues di hopi aña di trabao y colaboracion ta un stap grandi pa dilanti y un momento grandi pa transplante,” segun Dr. Parsia Vagefi, hefe di trans-

plantacion na UT Southwestern Medical Center na Dallas.

E necesidad pa organonan ta surpasa e cantidad cu tin disponible. Tur dia, 17 hende na Merca ta muri wardando pa un organo, riñonnan ta e organo mas scars. Segun e Organ Procurement and Transplantation Network, aproximadamente 27,000 riñon a ser transplanta den 2023, pero casi 89,000 hende tabata riba lista di espera pa e organonan ey.

Expertonan ta bisa cu xenotransplantenan—transplante di organonan di animal den hende—ta importante pa resolve e deficit di organo. “E por ta un posibel logro pa resolve un di e problemanan mas fastioso den nos tereno, esta un acceso desigual pa pashentnan den minoridad pa un transplante di riñon,” segun Dr. Winfred Williams, hefe asociado di e departamento di nefrologia na Mass General.

Esaki ta e tercer transplante di un organo di porco den un humano na bida. E prome dos tabatin curasonnan transplanta den hendenan bibo cu no tabatin mas opcion. E organonan tabata transplanta bao reglanan specifico cu ta permiti uso di terapianan experimental pa hende den situacionnan specialmente grave. Ambos pashent a muri algun siman despues di ricibi nan organonan.

E investigadonan na Mass General Birgham a bisa cu aunke e avancen mas recien tabata importante, mester mas investigacion—idealmente un estudio grandi conduci na varios hospital—pa asina componde miho con pa conduci efectivamente un transplanta di riñon di porco.

Miles di residente Hulandes ta riba lista di espera largo pa dokter di cas



(NLTimes)—Na december, casi 5,300 residente Hulandes tabata buscando pa dokter di cas, y e lista di espera no ta muestra ningun señal di reduccion, segun e Nederlands Zorgautoriteit a reporta diahuebs. E listanan tabata mas largo den Enschede, Heerenveen, Leeuwarden, Tilburg, Zwolle y Apeldoorn. Dokternan di cas cu ta baha cu pension frecuentemente no por haya sucesor pa nan practica.

E situacion a bira asina malo na Amstelveen cu casi tur practica di dokter di famia a stop di registra pashent nobo. E municipio na Noord-Holland a conta NH Nieuws cu algun residente ainda no a haya un dokter disponible den nan ciudad, unda e meta ta pa tin acceso medico den tur bario.

E ciudad ta lansando un plan nobo pa aborda e problema por medio di desaroya nan mesun luga di trabao medico cual e ora nan por huur na un prijs barata. Tin terenonan comercial disponible, pero frecuentemente dokternan no por paga prijsnan comercial.

E salario- y costonan di oficina cu nan ta ricibi ta sumanan vast imponi pa e gobierno nacional y no ta conta pa diferencia den prijs local. Esaki ta un mal decision y ta inhuerto pa dokternan trahando den areanan cu un costo di bida mas halto, segun e asociacion representando dokternan di cas den e region di Amsterdam, Huisartsen Coöperatie Amstelland.

E organisacion a conta NH Nieuws cu e costonan pa un bishita di pashent ta vast nacionalmente, pero e huur ta hopi mas caro den Amstelveen cu Drenthe. E grupo ta apoya e plan di Amstelveen. “Ta tristo cu tin pashentnan ta cana rond sin dokter,” nan a bisa.

NZa a nota den su rapport cu e accesibilidad pa cuida medico ta bao presion den hopi sector di cuida medico. Segun e autoridad, esaki ta parcialmente debi na ausencia halto debi na enfermedad den cuida medico. “Ausencia tambe a aumenta den december 2023 compara cu e luna anterior.”

E lista di espera den cuida medico pa salud mental ta keda demasiado halto, NZa a bisa, subrayando cu tempo di diagnosis ta surpasa e standard di Treek den tur categoria di cuida medico pa salud mental. Tambe tin listanan di espera largo pa cuida di largo plazo y cuida specialisa, pero esakinan ta muestra señalnan di reduccion den algun region.

CBCS: “Debe publico di e paisnan ta manehable”

(CuraçaoChronicle) – Despues di un peak den e tasa di debe-pa-GDP na 2020 causa principalmente pa e pandemia di Covid-19, un reduccion riba e termino medio ta proyecta, alcansando 64.7 por ciento pa Corsou y 35.1 por ciento pa Sint Maarten na 2027, segun e Boletin Economico di maart 2024 emiti pa Banco Central di Corsou y Sint Maarten, CBCS.

“E pregunta ta bin dilanti si e desaroyo proyecta den e tasa di debe publico-pa-GDP ta sostenible. Debe publico di un pais ta considera sostenible si gobierno por cumpli cu tur su obligacionnan di pago actual y futuro sin haya su mes forsa pa haci ahustenan presupuestario mayor of restructura debe cu acreedor y inversionista,” presidente di CBCS, Richard Doornbosch a destaca.

E Boletin Economico mas recien ta inclui un analisis di sostenibilidad di debe publico (DSA) pa tanto Corsou como Sint Maarten cu ta cubri e periodo 2023-2027. Un analisis asina tin meta pa evalua vulnerabilidadnan di debe publico. Specificamente, riesgo na e sostenibilidad di debe publico ta evalua bao e evolucion futuro di variablenan fiscal of macroeconomico manera e balans fiscal principal, crecimiento



real di GDP, tasa di interes y inflacion.

“En general, e analisis di debe ta revela cu den e escenario base, e debe publico di tanto Corsou como Sint Maarten ta sostenible a termino medio mientras e tasa di debe-pa-GDP ta proyecta pa reduci. Sinembargo, mester haci

algun observacion importante den e sentido aki,” e presidente a nota. “Prome, e caminda di debe proyecta ta predica riba e asuncion cu ambos pais ta bay por refinancia e prestamonan di sosten di likides di Covid-19 cu ta madura e aña aki riba un interes di 3.6%. Ademas, e paisnan mester logra con-

tinua financiando inversionnan capital riba condicionnan favorable manera stipula bao e regla di subscripcion vigente,” Doornbosch a splica.

“Di dos, ta asumi den e base cu GDP real ta bay crece en averahe cu 3.4% na Corsou y 2.4% na Sint Maarten den e horizonte pronostica. Mirando atras, sinembargo, ta bira cla cu e prestacion economico di ambos pais durante ultimo decada tabata substancialmente bao e averahe di crecimiento anual proyecta actualmente,” el a continua. “Na Sint Maarten, esaki tabata e caso hasta excluyendo e shock causa pa Horcan Irma na 2017-2018. Mientras economianan di Corsou y Sint Maarten a recupera mas fuerte for di e pandemia cu loke a spera inicialmente, ta clave pa crea momentum y sigura crecimiento economico a plaso medio,” Doornbosch a conseha.

“E analisis di sostenibilidad di debe ta subraya cu sostenibilidad di debe publico di ambos pais ta particularmente vulnerable pa shocknan di GDP real. E proyectonan di inversion andando na e union monetario ta un desaroyo bon bini den esaki mientras nan ta agrega na e capacidad productivo di Corsou y Sint Maarten. Gobierno di e dos pais aki mester tuma mas stap pa sostene crecimiento. E agenda di politica mester

incluir medida pa atende vulnerabilidadnan den mercado laboral y reduci red tape y costo di haci negoshi,” el a agrega.

“Pa di tres, un precondition importante pa sostenibilidad di debe publico tanto di Corsou como Sint Maarten ta e implementacion di reforma den sistemanan di cuido di salud y seguridad social. Sin e reformanan necesario, e sistemanan aki ta bay continua ta pone presion riba finanzas publico y agregando riesgo na sostenibilidad di debe publico, particularmente pa motibo di embebecimento di e poblacion,” a adverti. “Reforma e sistemanan aki ta un proceso compleho cu ta bay inclui medidanan dificil. Pues participacion di stakeholdernan clave den diseño y implementacion di e reformanan aki ta clave,” el a conseha.

“Finalmente, resultado di e analisis mester wordo interpreta cu cautela ya cu nan ta cubri solamente e debe di gobierno. Pa un analisis profundo di e riesgonan asocia cu debe publico, mester inclui e debe di tur entidad publico y companianan estatal,” Doornbosch a destaca. “Cu colaboracion di gobierno y tur nan entidadnan, CBCS lo por duna un analisis completo asina di sostenibilidad di debe,” e presidente di CBCS a conclui.

Problema interno dentro di PAR no a caba ainda

(CuraçaoChronicle) – E problema interno dentro di Partido Alternativa Real (PAR) ta leu di keda resolvi. Esaki a bira evidente despues di un reunion intenso di conseho di partido siman pasa. Miembronan di e partido a exige clarificacion durante e reunion aki relaciona cu e posicion di parlamentario Zita Jesus-Leito.

Den un desaroyo remarcable, lider politico Quincy Girigorie a ofrece su renuncia si tabatin sosten insuficiente pa e direccion cu e tin den su vision pa e partido. Durante e reunion, unda Jesus-Leito tambe tabata presente, a duna e parlamentario oportunidad pa defende su posicion. Desaroyonan recien ta indica cu Girigorie a solicita pa Jesus-Leito entrega su asiento



como parti di un esfuerzo mas amplio di “rebranding” y den respuesta na discusionnan interno riba e asunto aki. Inicialmente, Girigorie a rechasa cu a pidi Jesus-Leito pa entrega su asiento, pero despues a admiti cu esaki en berdad tabata e caso. Jesus-Leito a declara su intencion

pa cumpli su termino como parlamentario electo te na final, un posicion cu e tin desde 2021.

Durante e discusionnan, a sugeri cu e conseho di partido tabata pidiendo pa laga Jesus-Leito na paz. El a reitera siman pasa cu e no kier ta e

persona cu ta stroba e partido y a expresa disponibilidad pa bay si e partido desea esaki, hasta si e ta nifica pa hiba su asiento cune.

E conseho di partido a discuti extensamente pa yega na consenso, cu algun miembro urgiendo pa reconciliacion y

papiando contra forsa Jesus-Leito pa bandona, y contra renuncia di Girigorie.

Na final di e reunion, a bay di acuerdo pa Girigorie y Jesus-Leito participa den discusionnan pa yega na un solucion pa awe dialuna. Girigorie ta bay reconsidera su oferta di renuncia como tambe su posicion anterior pa cu Jesus-Leito.

Adicionalmente, dos miembro di hunta di partido PAR, parlamentario Ana Maria Pauletta y ex-asociado di Jesus-Leito, Kimberley Conscincion, a entrega nan retiro, conduciendo na mas especulacion di tension interno dentro di e partido. Pauletta a confirma su renuncia pero a nenga di bay den motibonan specifico, considerando e retiro un asunto interno.

Hulanda:

16 auto accidenta riba caretera A4 debi na tormenta di hagel y condicionnan resbaladizo

(NLTimes)—Diesseis auto tabata involvi den un accidente riba e caretera A4 cerca di Nieuw-Vennep. Varios auto a accidente durante un tormenta di hagel diadomingo mainta debi na e condicionnan resbaladizo. E accidente a tuma luga net prome cu e salida unda e caminda resbaladizo a causa chauffernan pa dal den otro,

NOS a reporta.

Segun e reportahe, no tabatin ningun hende cu a resulta morto, y mayoria motorista a sufri di shock of heridanan menor. Sinembargo, mester a hiba un persona hospital, di ken su condicion medico ainda no ta conoci.

En total, companianan di recuperacion mester a tou nuebe di e diesseis. E recu-

peracion di auto a resulta den e ciere di e seccion di e caminda, lagando solamente un lane habri diadomingo mainta. Awo tur lane ta habri pa uso.

Na comienso di weekend tabatin yobida y hagel pisa, acompaña pa biontonan fuerte. Esaki ta haci e camindanan mas resbaladizo. En general, ta anticipa cu tem-

peraturanan a yega un maximo di 10 grado celsius den weekend.

En general, e servicio nacional di clima ta anticipa cu temperaturanan lo subi durante siman binidero. Cuminsando diaranson, e aire caluroso lo trece temperaturanan na un peak di 12 pa 15 grado. Sinembargo, por tin yobida tambe.



Aproximadamente 40,000 hende a yuda piki sushi riba Dia Nacional di Limpieza na Hulanda

(NLTimes)—Diasabra ultimo, dies miles di participante den e Dia Nacional di Limpieza a piki un gran cantidad di sushi den ciudad- y pueblonan y cerca di e oriya di e riu Maas.

Desde e introduccion di e deposito, e limpiadornan a encontra menos bleki y boter cu nunca. Sinembargo, otro tipo di desperdicio ta keda presenta. “Bals y sigaria, por ehempel. Bo mester tene na cuenta cu un sigaria usa ta keda para pa asina largo cu bo mes no ta realisa cu e ta desintegrando,” segun gerente general Hester Klein Lankhorst di e organisador di limpieza Verpact.

Esaki tabata e di 22 biaha cu e limpieza anual a tuma luga.



Aproximadamente 40,000 hende a registra via e website. Esaki tabata un tiki menos compara cu aña pasa ora e organisacion a ricibi aproximadamente 50,000 registracion. Klein Lankhorst a bisa, sinembargo, cu mas hende ta tuma parti den e accion en general, pero no tur hende ta registra.

Ademas di e Dia Nacional di Limpieza, un campaña di limpieza grandi cerca di e oriya di Maas y su tributarionan a tuma luga na mesun momento. Mas hende a tuma parti den e limpieza di Maas compara cu e añanan anterior. Den henter e area di captacion entre Ei-

jsden y Rotterdam, tabatin 250 limpieza locual den cual rond di 14,500 boluntario a participa. Nan a limpia e oriya di mas cu 250,000 kilogram di desperdicio. Segun un calculacion inicial pa e organisacion tras di e campaña.

E participantenan di e Dia di Limpieza tambe a inclui hende cu a piki sushi for di e awa na Amersfoort riba surfboard. Director di Verpact Klein Lankhorst tabata cu e alcalde di De Bilt, Sjoerd Potters, na Bilthoven, unda nan tabata satisfecho pa mira cu e cayanana tabata muestra “basta limpi” caba.

Na Vlaardingen, boluntarionan pikiendo sushi a encontra un “saco sospechoso,” cual despues a revela di ta un apar-

to explosivo. Verpact ta e organisacion cu ta inclui e Waste Fund for Packaging, Netherlands Clean, y Deposit Money Netherlands, entre otro. E organisacion ta implementa un politica legal di reciclahe pa fabricante- y importadornan. E meta di e organisadornan ta pa preveni sushi riba caya permanentemente.

Pa 2050, por ehempel, e tin e meta di haci Hulanda 100% liber di sushi riba caya. E organisacion kier logra esaki via varios medida, incluyendo campananan di reciclahe y accionnan di limpieza.

Potret di North Sea Foundation.

Lider di CDA ta adverti cu libertad “no ta den bon man” cu PVV

(NLTimes)—E libertad cu partidonan populista manera PVV ta bisa e ta para p’e “no ta den bon man” cu nan, segun lider di CDA Henri Bontentbal den un discurso na e conferencia di e partido. “Libertad ta un concepto bashi cu

nan. Pa nan, esaki ta nifica nada mas cu falta di compromiso y indiferencia.”

Bontental ta acusa e populistanan cu ta opone e Union Europeo di “un actitud floho y un falta di consciencia

historico.” Por medio di mira UE como un “proyecto puramente economico,” nan ta ignorando kico pa un tempo tabata e proposito di e cooperacion Europeo: pa preveni un repeticion di e dos gueranan mundial cu a origina den e continente.

E oposicion di PVV pa apoya Ucrania ta un otro ehempel. “Politiconan cu ta bisa cu pa bringa den Ucrania no ta un bon strategia no tin comprendemento di libertad,” Bontental a bisa. “a paga un prijs halto pa nos libertad, y p’esey nos tin un responsabilidad pa yuda otro pais.”

Politica di polarisacion

E lider di CDA a adverti cu e “politica di polarisacion” lo “plama” den Hulanda si e intento actual pa forma un gabinete cu PVV ta exitoso. Previamente el a descarta cu su partido lo provee minister y ta disgusta cu un di e mediadornan nobo, canciyer estatal

Richard van Zwol, ta un miembro di CDA.

Esnan anticipando solucionnan for di Geert Wilders lo keda desapunta, Bontental a bisa. “E populistanan ta bisa nan kier para pa pueblo, pero nan ta socavando e regla di ley cu ta proteha pueblo. Populistanan ta bisa cu nan ta pone Hulanda na prome luga, pero en realidad nan ta pone nan egoismo prome.”

E discurso di Bontental a ser aplaudi dentro di e partido. Miembronan di partido manera ex-minister di Husticia Ernst Hirsch Ballin, por ehempel, a comparti e opinion di e lider. Tambe, Sybrand Buma a conta De Telegraaf cu el lo hay’e incorrecto y straño si su miembronan di partido participa den un gabinete cu PVV. “Si pueblo tabata kier miembro di CDA den gabinete, nan mester a vota CDA.”



Peru: Accidente tragico a laga como consecuencia ocho morto

(Infobae) – Ocho persona a perde nan bida despues cu e auto unda nan tabata biaha a cay den un riu, na altura di provincia di Yauyos, region di Lima.

Te ayera segun Polis Nacional di Peru a informa, a logra haya tres persona fayecido y nan tabata continua den labornan di buskeda di otro cinco victima.

Di acuerdo cu e corant La Republica, autoridadnan a tuma contacto cu e doño di e van, e cual ta pertenece na compania Antonio Travel.

E representante di agencia di biahe turistico a indica na polis cu a auto a Sali for di Plasa Norte, diabierna 22 di maart, caminda anexo Tinco Yauricocha, na Yauyos.

E auto a sali for di e Centro Comercial Plasa Norte, na Lima cu direccion ey y e informacion preliminar ta sostene cu e GPS di e unidad a stop di funciona e dia despues.

General Manuel Lozada a ordena e formacion di un ekipo di rescate di Escuadron di Emergencia di Region Policial Lima Sur pa apoya den tareanan di buskeda di e van

accidenta y pa rescata e victimanan.

“Nos obhetivo principal ta identifica e victimanan cu ta keda, aclaria e circunstancianan di e accidente y duna apoyo necesario na famianan afecta. Region Policial Lima Sur ta expresa condolencia pa loke a sucede y ta enfatisa si compromiso di traha fuerte pa siguridad y bienestar di tur ciudadano,” e comunicado di polis a bisa.

Nan ta kere cu e personanan por a keda pega den auto, e cual te ayera tabata ubica den e parti mas profundo di e riu Cañete.

Den auto tabata biaha un famia di cuatro persona, dos docente, e guia turistico y e chauffeur.

General Lozada, hefe di Region Lima Sur, a reuni personal di Escuadron di Emergencia, e cual tin un funcion vital den labor di buskeda y rescate, el a motiva e personal pa mantene e determinacion y profesionalismo den nan labor, specialmente den e buskeda di curpanan cu a desaparece den accidente reciente aki.



Ecuador: Alcalde asesina cu tiro

(AFP) – A asesina un alcalde di un pueblo costero di Ecuador cu tiro, segun Polis a informa ayera diadomingo, memey di un estado di excepcion decreta na e pais pa stop violencia vincula cu narcotrafico.

Brigitte Garcia, alcalde di balneario San Vicente, na provincia di Manabi, a muri hunto cu un di su funcionarianan.

Durante oranan di marduga “a identifica den interior di un auto dos persona sin señal di bida, cu heridanan di impacto di arma di candela,” polis a señala riba e red social “X.”

E crimen a sucede memey di estado di excepcion cu tin na Ecuador for di januari, ora a produci atakenan di narcotrafico cu a laga mas di binti morto, explosionnan den caya, secuestro temporal di funcionarianan di prison y entrada arma na un canal di TV cu tabata transmitiendo en bibo.



Ola di violencia a cuminsa despues di e huida di prison di Guayaquil, di e lider di e grupo Los Choneros, Adolfo Macias, alias Fito.

Despues di esaki, presidente Daniel Noboa a declara conflicto arma interno na e pais y a califica mas di binti organisacion narco ‘terrorista’, sacando e forsa arma na e cayanan pa combati nan.

Gobierno ta sostene cu e plan denomina “Plan Fenix” a reduci violencia debi na presencia di militar riba caya y prisonnan.

Pero fin di siman ultimo a reporta varios hecho di violencia na e pais, diasabra ultimo un patruxa di ehercito a sufrí un atentado na provincia di Sucumbios (frontera cu Colombia)

eynan un militar a muri y tres a resulta herido.

Na ciudad Andino di Latacunga polis a evacua un stadion na unda tabatin un wega di futbol pa un menasa di bomba. Despues di e inspeccion, agentenan a explota cinco “posible carga explosivo,” segun polis a sigura.

Alcalde Garcia, di 27 año,

tabata forma parti di e movimiento Revolucion Ciudadano, di ex-presidente socialista Rafael Correa (2007-2017), ken tambe a informa di e hecho aki.

Ademas, ex-candidato presidencial Luisa Gonzalez, a skirbi: “Den shock. Ni un hende ta na salvo na Ecuador.”

Augustus di año pasa a asesina e candidato presidencial Fernando Villavicencio ora e tabata saliendo for di un encuentro cu siguidonan. El a denuncia menasanan di parti di e lider di un grupo narco.

Lunanan prome alcalde di e ciudad costero di Manta Agustin Intriago tambe a ser asesina.

For di januari ora a decreta estado di excepcion, forsa publico a realiza cerca di 165.000 operativo, cu mas di 12.000 detencion, mas di 15 persona considera como “terrorista” a muri y a confisca casi 65 ton di droga, segun un balans di Ehecutivo.

Conseho di Transicion di Haiti ta reuni cu Caricom pa discuti futuro di e pais

(DiarioLibre) – **Conseho di Transicion Presidencial di Haiti a bolbe reuni cu funcionarionan di Caricom pa discuti e futuro di prome minister di Haiti, Ariel Henry, y prepara caminda pa celebracion di eleccion presidencial na e pais.**

Durante e prome reunion, celebra diabierna y cu a tuma lugar di manera virtual, Caricom a pidi e miembronan di Conseho di Transicion Presidencial pa acorda entre nan mes e principionan basico di funcionamiento di e comite.

EConseho di Transicion Presidencial di Haiti ta consisti di shete miembro di derecho pleno y dos observador.

Entre e integrantenan tin e ex hues Emmanuel Vertilaire, designa na e institucion aki pa partido Pitit Dessalines di ex-candidato presidencial Moise Jean Charles.

Den su turno, Vertilaire a



questiona tocante ken tin derecho di vota den e Conseho, segun medianan Haitiano a publica diasabra. “Ta e shete miembronan regular of e nuebe miembronan di e Conseho? Nos a pidi un aplazamento di e reunion pa por discuti entre nos mes,” Vertilaire a bisa.

Asina, y segun e medianan local, e Conseho Presiden-

cial a reuni diasabra pa discuti puntonan manera e derecho di voto den e Conseho, e mecanismonan pa designa e presidente di e Conseho y e mecanismonan pa eligi un prome minister Haitiano nobo.

“E ta coresponde e miembronan di e Conseho Presidencial pa dicidi si nos ta bay tin shete votador of nuebe, den e

Conseho Presidencial. Caricom, como mediador, no por dicidi pa nos con nos ta opera,” otro miembro di e Conseho Presidencial a bisa na e corant Haitiano Le Nouvelliste.

“E mayoria di e miembronan di e Conseho Presidencial a laga bon cla na Caricom cu nos no ta acepta pa nos nominacion pasa den man di e ex

prome minister Ariel Henry,” otro miembro di e Conseho Presidencial a bisa na e corant.

Henry a anuncia dia 12 di maart ultimo cu e ta bay renuncia na su posicion, hunto cu su gobierno, asina cu tin un Conseho Presidencial di Transicion pasobra “ningun sacrificio ta demasiado grandi” pa e pais.

“E gobierno cu mi ta dirigi ta acepta e instalacion di un Conseho Presidencial di Transicion. E miembronan di e conseho ta bay ser eligi despues di un acuerdo entre diferente sector di e bida nacional,” Henry a bisa den un mensahe na e nacion publica ariba rednan social di e Ehecutivo Haitiano.

Henry, ken presuntamente ainda ta permanece na Puerto Rico despues di a yega e isla dia 5 di maart ultimo, a muestra agradecido di por a sirbi e pais y a conclui su declaracion cu e frase “Cu Dios bendiciona Haiti.”

Republica Dominicana: Traslado di presonan di prison La Victoria pa otro centronan di detencion ta continua

(DiarioLibre) – **Auto-ridadnan di detencion ta sigui realisa e traslado di presonan di e prison LaVictoria pa otro instalacionnan di detencion debi na e condicionnan precario di e infrastrcutura di e prison.**

E detenidonan a wordo transporta den un vehiculo di e Direccion General di Migracion. Varios di nan tabata expresa nan malcontento pa e condicionnan di bida den e establecimiento, gritando cu e autoridadnan tabata comitiendo abuso contra nan y cu nan no tabata ricibi alimento.

Di mesun manera, nan ta afirma cu e cifra di fayecidonan ta mas halto cu esun cu e autoridadnan a informa despues di e candela di dialuna ultimo, causa presuntamente pa un kortsluiting, cu a kima por completo e celnan uno te cu seis di e centro di detencion.

Despues di e candela tragico, decenas di famia ta permanece cu e incertidumbre di no sa nada di nan familiarnan. Di e dies curpa cu tabata per-



manece na e funeraria di e Instituto Nacional de Ciencias Forenses (Inacif), solamente un di nan por a wordo identifica pa su familiarnan debi na un potret muestra pa su famia di su djentenan.

Te na e momentonan aki nuebe curpa ta permanece na e funeraria sin por wordo identifica debi na e condicionnan di e curpanan.

Den e sentido aki, Virgilio Almanzar Estrella, miembro

di e Comité Dominicano di Derechonan Humano, a señala cu ta necesario permiti pa e comision crea pa ofrece detaye ariba e afectadonan traha di manera adecua.

“Ban spera cu e comision nobo por interveni y brinda respuesta na e familiarnan,” el a expresa lamentando e angustia y desesperacion cu e familiarnan di e presonan ta biba na e momentonan aki.

E ta considera cu e autoridad-

nan pertinente mester presta atencion na e sistema di detencion di e pais, ya cu segun su investigacionnan, tin presonan cu ta cumpliendo mas aña di condena cu loke ta coresponde nan.

Ademas, un comision conforma pa cristiannan a biaha for di Puerto Rico pa haci donacion di cuminda na e presonan di e centro y ofrece nan apoyo a traves di oracion.

E pastor Carlos Dame, ken

ta representa e comision, a expresa cu nan a haya motivacion pa yega te na e prison La Victoria debi na cu nan ta ex presonan y nan sa e necesidadnan cu e detenidonan ta pasando aden.

E Servicio Nacional di Salud (SNS) a manda dokternan di e Departamento di Salud Mental di e institucion pa realisa un evaluacion na e prison La Victoria, despues di e oranan dificil cu e detenidonan a pasa aden durante e candela cu a cobra bida di 13 preso.

Miembronan di e Oficina Nacional de Evaluacion Sistémica y Vulnerabilidad de Infraestructura y Edificaciones (Onesvie) a presenta na e prison La Victoria pa realisa un evaluacion di e infrascutura di e edificio.

Procurador General di Republica Dominicana, Miria German Brito, a indica cu te cu proximo aviso, e centro di detencion no ta den condicionnan tecnico pa ricibi preso nobo.

Un Dia di Himno y Bandera exitoso na MANA



Mas cu 1500 persona, incluyendo turista, a bishita Museo Arqueologico Nacional Aruba (MANA) riba 18 di maart ultimo. E programa a cuminsa cu canto di Himno di Aruba cu coro di Kibrahacha acompaña pa su grupo di cuarta. E dia a sigui yen di ambiente.

Grandi y chikito a pasa un rato agradabel cu dushi pasaboca y sopi crioyo. E cuminda y snack vegano y gluten free a bay manera pan cayente. Bishitantenan a gosa di e mini documentarionan, cu ta den un forma com-

pacto y impactante a conta di Dundun -, Nydia - y Boy Ecury. E mini documentarionan ta produci pa Rebecca Roos Productions y cofinancia door di UNOCA.

Mucha y hoben a disfruta di e tayer di artista Ruth Geerman. Nan a experimenta cu un material diferente pa traha arte, y a relaha den e skina di mucha unda a kleur e templates di flora y fauna di Aruba, cortesía di artista local Omaira Silva. Tambe nan a experiencia e 'sensory box' y a busca nan stempel di Indjan.

E mini bazaar cultural a atrae hopi bishitante cu su photo-booth colorido decora cu arte di palo di artista Ezekias Perez Martinez. Muchanan a busca nan face painting den color di bandera di Aruba y un dushi popcorn cerca e muchanan di Pastoral Hubenil Dakota. Den e bazaar tabata ofrece diferente producto traha na Aruba, manera likeur, arte y artesanía, cos dushi y buki di crucigrama Conoce Bo Isla.

Alavez a tuma luga dos encuesta. Uno ta tocante debolbe obhetonan arkeologico na Hulanda pa Aruba, cofinancia door di Mondriaan



Fonds. E otro ta un encuesta di Aruba Tourism Authority tocante sentimento di comunidad pa turismo na Aruba.

MANA ta gradicido na un y tur cu a yuda haci e Dia aki uno asina exitoso. En especial Medionan di Comunicacion di Aruba, Comision Dianan Nacional, Ministerio di Finansa y Cultura, Club Kibrahacha, UNOCA, artistanan Omaira Silva, Ezekias Perez Martinez. Tambe ta habla danki na nos bishitantenan y hopi importante nos boluntarionan hoben y adulto cu un biaha mas cu hopi entusiasmo a ricibi y guia



bishitantenan riba nos Dia di Himno y Bandera 2024.

Derecho di Naturalesa

Consulta Publico:

- MFA Savaneta 27 di maart 2024
- MFA Paradera 28 di maart 2024

Orario:
6:30 pm - 7:30 pm

Ministerio di Naturalesa

ANUNCIO

SETAR ta informa cu tur su oficinanan y teleshopnan ta cera:

- Diabierna 29 di maart 2024
- Diasabra 30 di maart 2024
- Dialuna 1 di april 2024

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of WhatsApp na 597-9999.

SETAR

E Resort No. 1 den Caribe ta inspirando e lidernan di ESG di mañan

Bucuti & Tara Beach Resort, Aruba a yama su prime studiantenan universitario y profesornan pa su tour di turismo di sostenibilidad y bienestar di 2024, destacando implementacionnan exitoso ambiental, social y di gobernacion (ESG). Riba 29 di Februari y 1 di Maart, un total di 21 estudiante y tres profesor di Georgian Court University na Merca y for di Universidad de Bucaramanga na Colombia a bishita e resort pa presentacionnan y pa siña personalmente for di e personal.

Jeroen van Dasselaar di Bucuti & Tara, Gerente di Sostenibilidad y Certificacion, hunto cu Natalie y Björn Brandts, Specialistanan di Wellness, y Melissa Alonzo,



Directora di Bentas y Mercadeo, a haci e tour pa e gruponan. E grupo for di Georgian Court University tabata consisti di studiantenan di enfermeria cu tabata interesa den siña tocante e areanan y interseccionnan entre e programa di wellness comprensivo di e resort y e programa extenso di sostenibilidad. E studiantenan di comercio y nan profesor for di Universidad de Bucaramanga a enfoca

riba siña con sostenibilidad y exito comercial por prospera hunto na e prome y unico hotel certifica como neutral di carbono den Caribe.

Preparando awor pa e futuro generacionnan Pa decada e resort a yama huespedes, studiantenan, profesornan, investigadornan y hasta dignitarionan stranhero cu ta interesa den mira ESG aplica cu exito den mun-

do real manera e programa di sostenibilidad di Bucuti & Tara. Ora cu a honra Bucuti & Tara como e unico hotel na mundo pa gana un Premio Global di Accion Climatico di e Nacionnan Uni, e Nacionnan Uni a declara e programa di sostenibilidad di e resort “sumamente replicable y escalable” y a anima mundo, particularmente otro propiedadnan, pa sigui e chempel. Mientras cu tin estudio di caso y capitulonan di buki dedica na e exito aki, e resort ta realisa cu experimentando esaki en persona ta yuda cu comparticion di conocemento mientras mundo ta enfoca riba combatimento di cambio climatico. Mirando e Metanan di Desaroyo Sostenibel (SDGs) di e Nacionnan Uni aplica den un situacion real ta sigui ta inspirante pa e lidera hoben di ESG di mañan.

Complementando sostenibilidad ta wellness, cual ta un di e tres pilarnan principal di Bucuti & Tara. E manera cu e resort ta acerca sostenibilidad y bienestar ta profundamente interconecta. Practicanan sostenibel ta promove salud ambiental, salud fisico, salud mental, cuidado comunitario y bienestar a largo plazo pa tanto hende como planeta. Integrando sostenibilidad den varios aspecto di bida por yega na resulta den personal y huespednan mas saludabel, miembronan di comunidad y ecosistemanan. E acercamento holistico di Bucuti & Tara ta lanta curiosidad y e resort ta agradecido pa comparti abiertamente cu otro con accionnan di awe lo yuda crea un miho futuro. Pa siña mas, bishita www.bucuti.com.

Hadriñ di Alimentacion na IPA:

Inversion den nos docentenan ta un inversion directo den e futuro di nos isla



Diasabra 16 di maart 2024, studiantenan di Instituto Pedagogico Arubano (IPA) a uni forsa pa planta nan hardin di alimentacion den cuadro di e proyecto di agroforesteria. E dia aki ta coincide cu Aruba Doet, un recordatorio poderoso di e forsa di comunidad y e importancia di esfuerso colectivo pa e bienestar di nos isla.

E inclusion di Instituto Pedagogico Arubano (IPA) den e proyecto di agroforesteria ta un paso adelante den formacion di nos futuro docentenan. Ta ofrece nan e hermentnan necesario pa duna les tocante agricultura sostenibel y siguridad di alimentacion, inspirando asina e siguiente generacion cu e importancia di cuida nos medio ambiente y provee pa nos mes. Preparacion pa e plantamen-

to a inclui un presentacion tocante e practica di agroforesteria, dunando studiantenan y docentenan un bista profundo riba e beneficiacion y mantencion di e hardin di alimentacion, y e meta final di e proyecto. E participacion di varios maestronan ta subraya e compromiso di IPA cu educacion integral y aplicabel na bida real.

Segun Minister Ursell Arends, encarga cu Sector Primario, “E iniciativa di introduci agroforesteria den nos scolnan ta un paso grandi pa incorpora practicanan di agricultura sostenibel den e educacion di nos hobennan. Cada inversion den nos docentenan ta un inversion directo den e futuro di nos isla, y mas importante, den e futuro di nos muchanan.”

E fruto di e proyecto ya ta visibel den e dedicacion di e comunidad escolar, e esfuerso

incansabel di boluntarionan, y e apoyo di partners di proyecto, esta Santa Rosa y Living Soil. Un palabra di gradicimento ta bay na maestronan di IPA, esta Jantine de Groot, Gregory Goedge-

drag y Marilyn Richardson. Hunto nos ta sembrando simia pa un futuro unda cada hoben tin e conocemento y pasion pa mantene nos siguridad di alimentacion. E hardin di alimentacion na IPA no

ta simplemente un proyecto; e ta un simbolo di speransa, innovacion y un compromiso pa un Aruba mas autosuficiente.

CAREER SPOTLIGHT

BY AHATA

THEN


2013
Assistant Chief Engineer
Marriott Aruba Resorts

NOW

2021
Director of Hotel Operations
Marriott Aruba Resorts

RYAN BAREÑO

A kere cu turista a yega cas cu overdose



Diasabra madruga a drenta informe di cu un dama turista lo a yega cas na Tanki Leendert cu un overdose di alcohol, mesora a dirigi tanto polis como ambulance na e sitio.

compronde cu aki no ta trata di overdose, pero si algo cu a haci e turista malo y a pon'e saca. Pero ya despues di e sacamento el a recupera y no tabata mester mas di ambulance.

Na yegada di e patruya a bin Polis a cancela e ambulance y a sigui cu nan patruyahe.

Homber a dal abao dilanti Bow Bow na Ponton



Diabierna atardi a drenta informe di cu un homber a dal abao na Bow Bow Bar Restaurant na Ponton, mesora a dirigi un ambulance na e sitio.

Na yegada di e ambulance nan a atende e persona y mester a hib'e hospital pa mas tratamento.

Caso di hincamento na J.G. Emanstraat

Diasabra madruga a drenta informe di un caso di hincamento na J.G. Emanstraat, a nota cu e victima ta cana bay pabao pa busca ayudo, mientras poco mas pariba a capta e sospechoso ta core bay pariba.

Na yegada di e patruya a haya e victima cu un hinca na su barica y tabata sangrando. Na yegada di e ambulance nan a atende e victima y a transport'e pa hospital.

Polis a busca den e area pa e sospechoso pero no a encontra cune.



Polis a detene e conocido "Machete" cu un Nissan March sin number y horta

Diabierna atardi un patruya di playa atento a nota e conocido "Machete" den un auto Nissan March sin number, mesora a bay su tras y a logra par'e na Cubastraat.

Polis a detene "Machete" cu tabata cu auto horta y a confisca e auto. A avisa e team di joyriding di e caso aki y a sigui cu e investigacion.



Polis a detene homber cu kier a bay stuur auto bao influencia

Diabierna mainta a drenta informe cu tin un homber cu ta burachi y kier a bay stuur auto bao influencia na Avenida Milio Croes, mesora a dirigi un patruya na e sitio.

Na yegada di e patruya a bin topa un persona balente y inteligente cu a kita e yabi di auto for di un persona cu ta basta bao influencia di alco-

hol, pa asina evita cu e lo por bay causa un accidente.

Ora cu polis a bay atende cu e persona burachi, a nota cu esaki ta bastante bao influencia y no ta den condicion pa core e auto y a deten'e. Polis a tuma e yabi auto lock esaki.

Na yegada di e vehiculo di transporte a hiba e detenido na warda di polis.



Candela chikito pero peligroso banda di ex-edificio di Wimco



Diasabra madrugá, durante patruxa polisnan atento di distrito 1 a tuma nota di un candela di yerba y sushi banda di e ex-edificio di Wimco den Caya G.F. "Betico" Croes, mesora a avisa bombero cu a presenta rapidamente y a paga esaki pa evita lo peor.

Polis a boet chauffeur cu a comete infraccion den trafico



Diasabra atardi, durante patruxa, polisnan atento a tuma nota di un dama March y a atende cu e chauffeur cometiendo un infraccion den trafico, mesora a para e Nissan March y a atende cu e chauffeur. Despues di a ricibi su merecido boet, e dama por a sigui core su auto.


Polis a detene chauffeur burachi cu tabata core irresponsabel

Diasabra madrugá polisnan atento a topa cu un chauffeur cu tabata core masha malo mes riba caminda, mesora a par'e y a bin resulta cu e chauffeur ta bao influencia. Ora cu a test e chauffeur, el a surpasa e limite permiti y pa su mesun seguridad y di otronan, polis a deten'e.



Polis a detene homber cu a maltrata su pareha

Diasabra atardi, despues cu un homber a maltrata su pareha mainta cu un machete y e dama a entrega keho, mesora recherche a traha riba e ordo di buskeda y detencion di e sospechoso. Algun ora despues polisnan a logra detene e sospechoso y a hib'e pa recherche interoga. Despues di esey a mand'e back pa su cel na warda di polis.



Turista bao influencia bisti inapropia den un bar a keda deteni pa polis

Diasabra atardi a drenta informe di cu tin un dama turista basta burachi y bisti cu bikini den un bar na Pos Chikito y tabata hala atencion di algun homber, bebiendo eyan cu gana y pensamiento pa bay cu e turista. Pa su mesun bon y di otronan, polis a bay papia cune; pero e no kier a tende y no a keda nada otro cu polis detene pa buracheria den publico.



Dia Internacional di Mondi:

Innovacion y solucionnan nobo cu ta beneficia Mondi

Dia 21 di maart 2024 tabata Dia Internacional di Mondi. Un dia dedica na eleva conscientisacion riba e importancia di tur tipo di mondi rond mundo. E tema pa 2024 ta “Mondinan y Innovacion”.

E tema di aña aki a enfoca riba e rol crucial cu innovacion tin den maneho y conservacion di e mondinan. Tecnologia moderno por yuda nos monitor mondinan mas eficientemente, ta yuda pa detecta desasternan di candela den mondinan, ta yuda pa combati practicanan di rosamento di mondi y ta yuda desaroya metodonan sostenibel pa uzo di recursonan natural di mondinan.

Aki na Aruba, Directie Natuur en Milieu (DNM) ta haci uzo tambe di diferente artefactonan innovativo manera tablet, drone, telefon celular, foto camara cu GPS, y software ArcGis. ArcGIS ta un sistema di informacion geografico (GIS) cu ta haci e maneho y analisis di data geografico posibel door di visualisa esaki y pone riba mapa. Tur esakinan ta facilita e trabounan necesario pa yuda sostene formulacion di consehonan y manehonan cu ta aporta na conservacion y proteccion di nos naturalesa y medio ambiente.

Nacionnan Uni (UN) ta observa e dia aki como ‘Internacional Forest Day’. Na Aruba, nos no conoce un palabra na Papiamentu cu ta referi na e palabra na Ingles ‘forest’. Nos ta yama esakinan tur pa mondi. Paso-bra na Aruba nos conoce un tipo di mondi so, cu ta clasifica pa ‘Tropical dry forest’. Esaki ta nifica cu nan ta mondinan seco tropical cu scarsedad di awa. E mondinan aki ta haya nan



den regionnan unda cu tin yobida un parti di aña, sigui pa un temporada largo di segura.

E matanan y e vegetacion cu ta presente na un clima similar ta adapta bon na e realidad cu tin poco awa. Por bisa cu no ta haya nada di yobida pa casi shete luna. Pa motibo di e condicionnan dramatico aki, e ecosistemnan aki tin hopi espcienan endemico cu a adapta na extremonan asina. Esaki tambe ta pone cu tin scarsedad na recursonan natural manera tin masha poco mata of sorto di bestia paso cu no tin suficiente cuminda pa e bestianan haya. Mondin ta cas pa mayoria di e biodiversidad terestre. Esakinan ta entre otro espcienan manera parha, mamifero y otronan. Mondinan ta vital pa sostene produccion di cuminda. Si nos ta planta mas y ta yuda pa crece mas mata, no solamente nos ta sostene produccion di cuminda pa humanidad pero tambe pa bestianan.

Tambe por bisa cu espacio ta limita, esaki ta haci cu no por papia di ‘forest’ aki na Aruba. Aruba ta un isla, naturalmente cu espacio ta limita te hasta pa hende, pero poblacion ta keda crece. P’esey nos por bisa cu nos mondinan ta disparciendo mas y mas. E poblacion mundial ta creciendo esaki ta nifica cu lo tin necesidad pa mas edificio pa tur. E material cu ta uzando pa construccion mayoria bes no ta sostenibel. Tin un yamada cu mester mas innovacion den material di construccion. Locual por mira den e informacionnan di conscientisacion di UN, ta conseha pa mas uzo sostenibel di e material palo pa construi cune. Scoge pa construi cu palo y incorpora mas mata den bo area di construccion di cas y edificio. Expansion di uzo di productonan cu ta bin di mondi manera palo, ta contribui na neutralidad di carbon den e medio ambiente. Pero tambe haci cambionan chikito den bida diario manera

cambia bo skeiro di djente di plastic pa uno di palo. Asina tin menos impacto di desperdicio di plastic.

E 6 motibonan cu UN ta duna pa duna mas balor na nos mondinan ta:

1. Mondinan ta cubri 31% di e superficie di tera na mundo.
2. Mondinan ta vital pa alcanza un sistema sostenibel di produccion di cuminda cu ta bin di agricultura.
3. Mondinan y sector di ‘forest’ ta genera trabou pa mas o menos 33 miyon di hende.
4. Mondinan ta provee 75% di acceso na awa cu no ta contamina.
5. Mondinan ta warda y ta deposito di carbon. Mondinan ta contene mita di e cantidad global di carbon den suela y vegetacion. Mondinan ta recurso di palo sostenibel, usando esaki, ta mitiga cambio di clima.
6. Mondinan ta esencial pa conservacion di biodiversidad. E ta cas pa 85% di anfibionan, 75% espcienan di parha y 68% di mamiferonan.

Nos futuro ta depende di preservacion y maneho sostenibel di e mondinan cu ta existi. Mondinan ta fuente di bida, awa dushi, y di aire limpi. Dia Internacional di Mondin ta un recordatorio di e necesidad pa nos innova y desaroya solucionnan nobo pa proteha y restaura nos patrimonio natural, e Mondinan. DNM ta desea pa un y tur tuma tempo pa aprecia nos mondinan y tuma un accion, con chikito cu e ta, pa aporta y siña mas di con innovacion por contribui na un futuro mas sostenibel pa nos mondinan.

Potret di When in Aruba.

Prome minister Italiano ta busca compensacion simbolico pa imagennan pornografico “deepfake”



(AP)—A puntra e premier Italiano Giorgia Meloni pa testifica den corte dia 2 di juli den e huicio di dos hende homber acusa di usa imagennan pornografico “deepfake” usando su cara y publicando nan online.

Meloni, ken ta lista como victima den e huicio na Sardinia, ta busacndo 100,000 euro den daño simbolico y lo dona cualquier premio na un fondo di e ministerio di Asunto Interior pa victimanan femenino di violencia domestico, segun su abogado Maria Giulia Marongui a bisa den un e-mail diabierna pa AP.

“E crimen en cuestion ta particularmente odioso, como cu aparentemente e ta involvi e publicamente di imagennan pornografico fabrica cu por afecta

cualquier hende muhe inocente cu consecucionnan dañino pa su reputacion y bida priva,” Marongui a bisa.

“Mirando e rol hunga pa Giorgia Meloni, ta parece adecua cu e mester ta un demandante civil, cu e speranza cu esaki por yuda den aumenta conscientisacion di e problema tambe den nomber di hopi hende muhe cu frecuentemente ta keda sin por defende nan mes.”

Segun e agencia noticiero ANSA, e polis portal di Italia na 2020 a identifica e tata y yiu homber cu supuestamente a publica imagennan deepfake riba un website pornografico Mericano por medio di sigui e data na un di e celularnan di e sospechosonan. E tempo ey Meloni no tabata premier, pero hefe di su partido Brothers of Italy.

COA a firma Acuerdo di Cooperacion cu Comité Olimpico di Brazil

Den e marco di e Asamblea General di ODESUR, Comité Olimpico Arubano a firma un Acuerdo di Cooperacion cu Comité Olimpico di Brazil.

Esaki lo habri posibilidadnan interesante di intercambio, aprendisaje, campamentonan di entrenamiento, cursonan di capacitacion y mas en general lo duna Federacionnan deportivo di Aruba e oportunidad di crea mas colaboracion cu nan coleganan di un pais cu ta ser considera un di e lidernan den deporte di nos continente.



Gran apertura di basketball court na Village, San Nicolas

Diabierna anochi, a tuma luga e gran apertura di Sint-Maartenstraat Basketball Court na San Nicolas.

Manera ta conoci, e ultimo aña cu a renoba e cancha tabata na aña 2009 y desde e tempo ey e cancha no a haya atencion mas. Mirando e condicion deplorable di e cancha, Minister di Deporte Endy Croes hunto cu su team a inicia cu e proyecto di renobacion di e cancha aña pasa den e luna di februari.

A aloca fondo tanto di Gobierno di Aruba y Lotto pa Deporte pa renoba entre otro, e heki, vloor, ring y hut. Tambe a instala luz LED cu ta traha cu sistema solar pa tin un bon iluminacion.



Minister Endy Croes hunto cu Presidente di Parlamento di Aruba mr. Edgard Vrolijk, Prome Minister di Aruba Sra. Evelyn Wever-Croes, Minister Rocco Tjon, Parlamentario Sra. Shailiny Tromp-Lee, Sra. Darlaine Guedez Eras-

mus, Sra. Setty Christiaans-Yarzagaray, Sr. Hendrik Tevreden y demas invitadonan special tabata presente na e apertura di e cancha di basketball na Village.

Prome Minister Evelyn Wever-Croes a duna un discurso, felicitando Minister Endy Croes y su team pa e gran trabou cu nan a haci den e proyecto di renobacion di e cancha aki.

Durante e ocasion special aki, a inaugura e cancha y a dedik'e na dos legendario den e deporte di basketball, esta Sr. Malary Anthony Coco "Pete", den feliz memoria y Sr. Ricardo Cooper. Fuera di esaki, a entrega un reconocimiento den number di Gobierno di Aruba na coach Sr. Sean Toppenberg y cuater atleta di e deporte di basketball cu a titula subcampeon den Weganan Interinsular 2024 na Boneiro.

E hobennan atleta Cyondre Stennett, Danoe Gumbs, Deshon Warner y Cayden Fraser ta bishita Graf von Zinzendorf School y a laga Aruba su number den halto. E hobennan aki a ricibi un medaya y bala di basketball pa nan scol



di Minister Endy Croes.

Tambe, e comerciantenan di Promenade a uni pa regala e mucha- y hobennan di Village bala di basketball pa por sigui practica nan deporte.

Despues di e ceremonia, e ekiponan di KPA y De Vuyst Impact a enfrenta otro, unda cu e ekipo di De Vuyst Impact a gana e hugada.

Na final di e anochi, e banda musical Groove Masters a pone un excelente ambiente pa esnan presente cu nan exitoso repertorio.

Finalmente, Minister Endy Croes a indica cu esaki sigur ta un gran logro pa e distrito di San Nicolas, mirando e oportunidad cu ta brinda e mucha- y hobennan di e distrito pa practica deporte y keda activo. Minister Endy Croes ta gradici Gabinete Wever-Croes II, Ministerio di Deporte, Lotto pa Deporte y tur esnan cu a contribui den e proyecto di renobacion di e cancha di basketball na Village.

Pabien San Nicolas cu e gran logro aki.



Alhambra

CASINO AND SHOPS

Serving our guests for over 38 years, Alhambra Casino is the leader in providing excellent customer service and invites qualified applicants to join the team. Alhambra Casino team members enjoy competitive pay and a fun work environment

We are accepting applications for the following positions!

Cleaner (Female)

Job Requirements:

- Basic Knowledge of English, Spanish and Dutch.
- Able to work shifts, weekends and Holidays.
- Good communication skills.
- Preferable some experience with chemicals and cleaning products.
- Outgoing Personality.
- Team work.

Security (Male)

Job Requirements:

- Must be able to prepare reports.
- Serious person and flexible with schedule.
- Knowledge in computers and Outlook is a plus.
- Good communication skills.
- Must be in good physical condition.
- Able to work all shifts, weekends and on holidays.
- First Aid and CPR knowledge are a plus.

Assistant Table Games Manager

Job Requirements:

- Minimum 5 years in managerial experience with Strong leadership and supervisory skills, with the ability to motivate and manage a team.
- Extensive knowledge and experience in casino game operations, rules, and procedures.
- Knowledge of all games.
- Strong math skills.
- Excellent customer service and organizational skills.

Job Responsibilities:

- Monitors games to ensure integrity and compliance with established policies, procedures and Gaming Guidelines.
- Maintains and replenishes bankrolls.
- Responsible for verifying fills, credit slips, opening and closing slips and markers pertaining to games in assigned area.
- Monitors, evaluates and records customer's gaming activities for rating purposes
- Other job assignments as requested by management.

Floor Supervisor (Live Games)

Job Requirements:

- Minimum 5 years in supervisory experience with Strong leadership and supervisory skills, with the ability to motivate and manage a team.
- Extensive knowledge and experience in casino game operations, rules, and procedures.
- Knowledge of all games.
- Strong math skills.
- Excellent customer service and organizational skills.

Job Responsibilities:

- Monitors games to ensure integrity and compliance with established policies, procedures and Gaming Guidelines.
- Maintains and replenishes bankrolls.
- Responsible for verifying fills, credit slips, opening & closing slips and markers pertaining to games in assigned area.
- Monitors, evaluates and records customer's gaming activities for rating purposes.
- Other job assignments as requested by management.

Cashier

Job Requirements:

- Fluent in English, Spanish and Dutch and Papiamentu.
- Willing to work all shifts and Holidays.
- Excellent observational and communication skills.
- Math skills is a plus.
- Able to handle pressure.
- Pleasant and outgoing personality.
- Team work.

We Offer: • Pleasant work atmosphere / • Competitive salary / • Attractive benefits / • Opportunity to grow in the company.

Apply in person from Monday through Friday at the Human Resources Office, from 8:00 a.m. - 4:00 p.m. or email: J.Geerman@divisino.com

Attn. Ms. Jane Geerman - Human Resources Manager. **Please bring picture**

Valid Government ID required. * You will be required to take a drug test, before hiring * Must be Aruban Citizen

Fraccionnan den pelea di sindicato di MLB ta emiti declaracionnan critico contra otro

(AP) — Cabesante di sindicato di hungadornan di baseball, Tony Clark a duna su prome respuesta publico na un esfuerso cu meta pa retira su negociador clave, yamando e situacion un campaña secreto cu un agenda externo.

Clark a duna un declaracion ayera den respuesta na un declaracion di Harry Marino, ex-oficial di sindicato kende ta spera cu hungadornan ta bay retira director interino di e Asociacion di Hungador di Major League (MLBPA), Bruce Meyer, e negociador

principal di e sindicato pa e CAO na 2022.

Marino, un ex-hungador den minor league kende a lidera esfuersonan exitoso pa sindicalisa hungadornan cu contractnan den minor league, a alega cu miembronan di e sindicato ta siendo bully y ta tumando represalia contra nan pa expresa nan opinion pa cambio.

“Pa decadas, e base di MLB-PA ta un miembresia participante cu no ta rindi dilanti agendanan externo,” Clark a bisa den un declaracion.

“Pues no ta un sorpresa cu un esfuerso coordina y scondi pa reta e fundacion aki a crea disturbio entre hungadornan na tur nivel di baseball profesional.”

Despues cu hungadornan di minor league a join e sindicato, a restructura su hunta directiva pa inclui 38 hungador cu contract di major league y 34 cu contract di minor league. E hunta ehecutivo ta tuma decision door di voto di mayoria, manera contrata e director ehecutivo, y e staf ta reporta na e director ehecutivo.

Clark, un ex-baseman All-Star, a lidera e sindicato pa 11 aña y ta apenas su di cinco director ehecutivo despues di Marvin Miller (1966-82, '83), Ken Moffett (1982-83), Donald Fehr (1983-2009) y Michael Weiner (2009-13).

Clark a bira director ehecutivo despues di morto di Weiner di tumor cerebral. Fin di 2022, e sindicato a anuncia cu a extende e contract di Clark cu cinco aña te 2027. El a gana \$2.25 miyon na 2022, segun rapport financiero di e sindicato.

Meyer, ex-partner na Weil, Gotshal & Manges y ehecutivo den Asociacion di Hungador di NHL, a keda contrata como director senior di negociacion colectivo y legal na augustus 2018 y promovi na director ehecutivo interino na 2022. El a gana \$1.36 miyon na 2022.

Marino a gana \$68,977 den e porcion di 2022 cu e tabata den staf di e sindicato como consehero general asistent.

Verstappen rabia pa retiro trempan di Grand Prix Australiano cual Sainz a gana

(AP) — Un Max Verstappen rabia tabatin un retiro trempan for di Grand Prix Australiano di Formula Uno ayera, cu e piloto di Red Bull sufriendo un fayo mecanico cu candela den di cuatro buelta di e careda, sufriendo su prome retiro desde Albert

Park na Australia na 2022.

Minuutnan despues di su retiro, a mir'e riba television den discusionnan serio cu director di team Red Bull, Christian Horner. Verstappen a gana e prome dos careda di e temporada aki di F1 na Bahrain y Saudi Arabia

y tabatin un racha di nuebe victoria consecutivo. Verstappen a bisa cu temperatura di e auto a cuminsa aumenta te na e punto cu e auto a pega na candela. Piloto di Mercedes, Lewis Hamilton tabatin otro retiro trempan cu fayo di motor na buelta 17.

Verstappen, triple campeon mundial di F1, a cuminsa e careda for di pole, pero Carlos Sainz di Ferrari a pas'e den e di dos buelta na e di nuebe birada. Verstappen a keda tras di e Spaño, pero apenas dos buelta despues, huma tabata sali di su auto, sigui pa candela, forsando e pa retira di e

careda.

Verstappen a gana 19 careda ultimo temporada – un record den historia di F1 – na caminda pa su di tres titulo consecutivo.

Sainz a gana e careda na Australia.

Exprodesk ta invita nos comerciantenan pa participa na e ultimo tayer di 'Arubaverse 2.0' na San Nicolas

Departamento di Asuntonan Economico, Comercio y Industria y su unidad Exprodesk, segun maneho economico di Minister di Economia, Comunicacion y Desaroyo Sostenibel, Sr. Geoffrey Wever, ta organisa den colaboracion cu Full Stack Vision FND e proyecto 'Arubaverse 2.0' na San Nicolas.

E proyecto tawata tin varios tayer/ meetups mensualmente y lo termina na maart 2024. E ultimo meetup na San Nicolas pa aña 2024, lo tuma lugar diaranson 27 di maart na The Hub at San Nicolas (B. v/d Veen Zeppenfeldstraat 70-72), di 6:30pm pa 8:00pm. Participacion ta gratis y e idioma lo ta Papiamentu y Ingles. Pa por participa mester registra na: <https://bit.ly/arubaverse>

Proyecto 'Arubaverse 2.0'
E proyecto 'Arubaverse 2.0' ta consisti di diferente tayer cu e meta pa informa tur par-



ticipante riba e ultimo avancen tecnologico manera 'blockchain', e futuro di e pagonan digital, bienes digital/ NFT, Inteligencia Artificial y mucho mas! Pa e motibo aki, nos kier a invita tur entrepreneur y comerciante local pa nos ultimo tayer titula 'Deep Learning is Rubbish - Innovation that Challenges the Status Quo', cu PHD Candidate in AI, Sport Science & Healthcare, Sr. Francis Laclé lo presenta. Durante henter e proyecto ta pidi tur participante pa bin cu nan laptop pa asina experiencia pa nan mes den un forma practico con pa aplica inmediatamente tur

loke nan a siña.

Tayer 'Deep Learning is Rubbish - Innovation that Challenges the Status Quo'

E tayer aki ta diseña pa tur persona cu ta interesa den genera ideanan nobo y forma parti di e combersacion transformador di e mundo dinamico di Inteligencia Artificial. Den e tayer aki lo trata e siguiente topiconan:

- 'Take a peek under the hood to understand the inner workings of Deep Learning';
- 'Get an overview of its (future) utility and limitations';
- 'Carefully consider if, when, and how it can be applied to your business in Aruba.'

Pa mas informacion over di e proyecto 'Arubaverse 2.0', por tuma contacto cu Sra. Sharon Meijer via: s.meijer@deaci.aw

Stichting Kompas for Students ta anuncia: Pre-registracion ta habri pa programa anual 'Kompas'



Stichting Kompas for Students ta sumamente contento di anuncia cu pre-registracion pa e programa hopi anticipa di 'Kompas' 2024 awor ta oficialmente habri. E programa unico aki di 3 dia, diseña especificamente pa studiantenan cu lo cuminsa cu nan capitulo nobo den nan bida academico na Hulanda, ta programa

pa tuma lugar durante e di dos siman di Juli.

'Kompas' 2024 ta ofrece un oportunidad pa studiantenan gana conocemento y habilidadnan esencial den varios area critico, incluyendo finanzas, bienestar emocional, y aspectonan practico di ta un estudiante na Hulanda. E programa meticulosamente diseña aki ta segura cu participantenan ta completamente prepara pa e biahe emocionante pero desafiante di studia na Hulanda.

Mas informacion tocante 'Kompas' 2024 lo volg den e luna di Mei.

Pakico pre-registra?

Door di pre-registra awor via www.kompasforstudents.com/join/, bo no solamente lo ricibi nos "Student Guide" completamente gratis pero tambe lo ricibi updates via e-mail regularmente cu tips pa cuminsa prepara pa bay Hulanda. E guia y e updates aki ta specialmente crea pa yuda bo den bo fase di preparacion.

Tocante Stichting Kompas for Students:

Stichting Kompas for Students ta un fundacion crea door di young professionals y estudiante Arubiano. Nos meta ta pa guia y sostene estudiante den nan preparacion pa studia afo y durante nan prome aña na Hulanda. Durante e trayectoria aki nos ta brinda diferente tayer y actividad riba topico manera salud mental, finanzas, nutricion y hopi mas.

Mas over di Stichting Kompas for Students: www.kompasforstudents.com

Resultado Sorteo 23 y 24 maart																																																																																																																																																					
Cadena Alexander Lottery ta presenta resultado di weganan di suerte																																																																																																																																																					
<table border="1"> <thead> <tr> <th>DIARIO</th> <th>KORSOU</th> <th>SUPER4</th> <th>FLAMINGO</th> </tr> </thead> <tbody> <tr> <td>4021</td> <td>8642</td> <td>0161</td> <td>3546</td> </tr> <tr> <td>0566</td> <td>0161</td> <td>SUPER5</td> <td>5813</td> </tr> <tr> <td>4363</td> <td>9143</td> <td>-</td> <td>6228</td> </tr> </tbody> </table>				DIARIO	KORSOU	SUPER4	FLAMINGO	4021	8642	0161	3546	0566	0161	SUPER5	5813	4363	9143	-	6228	<table border="1"> <thead> <tr> <th colspan="4">DIADOMINGO</th> </tr> <tr> <th>DIARIO</th> <th>KORSOU</th> <th>SUPER4</th> <th>FLAMINGO</th> </tr> </thead> <tbody> <tr> <td>0926</td> <td>4682</td> <td>1336</td> <td>6239</td> </tr> <tr> <td>6115</td> <td>4345</td> <td>SUPER5</td> <td>2103</td> </tr> <tr> <td>5750</td> <td>1270</td> <td>32795</td> <td>5970</td> </tr> </tbody> </table>		DIADOMINGO				DIARIO	KORSOU	SUPER4	FLAMINGO	0926	4682	1336	6239	6115	4345	SUPER5	2103	5750	1270	32795	5970																																																																																																												
DIARIO	KORSOU	SUPER4	FLAMINGO																																																																																																																																																		
4021	8642	0161	3546																																																																																																																																																		
0566	0161	SUPER5	5813																																																																																																																																																		
4363	9143	-	6228																																																																																																																																																		
DIADOMINGO																																																																																																																																																					
DIARIO	KORSOU	SUPER4	FLAMINGO																																																																																																																																																		
0926	4682	1336	6239																																																																																																																																																		
6115	4345	SUPER5	2103																																																																																																																																																		
5750	1270	32795	5970																																																																																																																																																		
<table border="1"> <thead> <tr> <th colspan="2">MERDIA</th> </tr> </thead> <tbody> <tr> <td></td> <td>Sorteo # 4218</td> </tr> <tr> <td>0954</td> <td></td> </tr> <tr> <td>5977</td> <td></td> </tr> <tr> <td>7704</td> <td></td> </tr> <tr> <td></td> <td></td> </tr> <tr> <td>FP</td> <td></td> </tr> <tr> <td></td> <td></td> </tr> <tr> <td>Sorteo # 4218</td> <td></td> </tr> <tr> <td>3787</td> <td></td> </tr> <tr> <td></td> <td></td> </tr> <tr> <td>X2</td> <td></td> </tr> <tr> <td></td> <td></td> </tr> <tr> <td>Sorteo # 2274</td> <td></td> </tr> <tr> <td>3843</td> <td></td> </tr> <tr> <td></td> <td></td> </tr> <tr> <td>Sorteo # 4218</td> <td></td> </tr> <tr> <td>7686</td> <td></td> </tr> <tr> <td>Libra</td> <td></td> </tr> <tr> <td></td> <td></td> </tr> <tr> <td>Sorteo # 1092</td> <td></td> </tr> <tr> <td>471</td> <td></td> </tr> <tr> <td></td> <td></td> </tr> <tr> <td>X2</td> <td></td> </tr> </tbody> </table>		MERDIA			Sorteo # 4218	0954		5977		7704				FP				Sorteo # 4218		3787				X2				Sorteo # 2274		3843				Sorteo # 4218		7686		Libra				Sorteo # 1092		471				X2		<table border="1"> <thead> <tr> <th colspan="2">ANOCHI</th> </tr> </thead> <tbody> <tr> <td></td> <td>Sorteo # 8202</td> </tr> <tr> <td>0244</td> <td></td> </tr> <tr> <td>4363</td> <td></td> </tr> <tr> <td>0150</td> <td></td> </tr> <tr> <td></td> <td></td> </tr> <tr> <td>X2</td> <td></td> </tr> <tr> <td></td> <td></td> </tr> <tr> <td>Sorteo # 7246</td> <td></td> </tr> <tr> <td>9879</td> <td></td> </tr> <tr> <td></td> <td></td> </tr> <tr> <td>X2</td> <td></td> </tr> <tr> <td></td> <td></td> </tr> <tr> <td>Sorteo # 1951</td> <td></td> </tr> <tr> <td>9316</td> <td></td> </tr> <tr> <td></td> <td></td> </tr> <tr> <td>Sorteo # 6005</td> <td></td> </tr> <tr> <td>6094</td> <td></td> </tr> <tr> <td>Geminis</td> <td></td> </tr> <tr> <td></td> <td></td> </tr> <tr> <td>Sorteo # 935</td> <td></td> </tr> <tr> <td>831</td> <td></td> </tr> <tr> <td></td> <td></td> </tr> <tr> <td>X2</td> <td></td> </tr> </tbody> </table>		ANOCHI			Sorteo # 8202	0244		4363		0150				X2				Sorteo # 7246		9879				X2				Sorteo # 1951		9316				Sorteo # 6005		6094		Geminis				Sorteo # 935		831				X2		<table border="1"> <thead> <tr> <th colspan="2">DIADOMINGO MERDIA</th> </tr> </thead> <tbody> <tr> <td></td> <td>Sorteo # 4219</td> </tr> <tr> <td>4975</td> <td></td> </tr> <tr> <td>1794</td> <td></td> </tr> <tr> <td>3456</td> <td></td> </tr> <tr> <td></td> <td></td> </tr> <tr> <td>X2</td> <td></td> </tr> <tr> <td></td> <td></td> </tr> <tr> <td>Sorteo # 4219</td> <td></td> </tr> <tr> <td>7291</td> <td></td> </tr> <tr> <td></td> <td></td> </tr> <tr> <td>X2</td> <td></td> </tr> <tr> <td></td> <td></td> </tr> <tr> <td>Sorteo # 2275</td> <td></td> </tr> <tr> <td>0360</td> <td></td> </tr> <tr> <td></td> <td></td> </tr> <tr> <td>Sorteo # 4219</td> <td></td> </tr> <tr> <td>0548</td> <td></td> </tr> <tr> <td>Capricornio</td> <td></td> </tr> <tr> <td></td> <td></td> </tr> <tr> <td>Sorteo # 1093</td> <td></td> </tr> <tr> <td>845</td> <td></td> </tr> <tr> <td></td> <td></td> </tr> <tr> <td>X3</td> <td></td> </tr> </tbody> </table>		DIADOMINGO MERDIA			Sorteo # 4219	4975		1794		3456				X2				Sorteo # 4219		7291				X2				Sorteo # 2275		0360				Sorteo # 4219		0548		Capricornio				Sorteo # 1093		845				X3	
MERDIA																																																																																																																																																					
	Sorteo # 4218																																																																																																																																																				
0954																																																																																																																																																					
5977																																																																																																																																																					
7704																																																																																																																																																					
FP																																																																																																																																																					
Sorteo # 4218																																																																																																																																																					
3787																																																																																																																																																					
X2																																																																																																																																																					
Sorteo # 2274																																																																																																																																																					
3843																																																																																																																																																					
Sorteo # 4218																																																																																																																																																					
7686																																																																																																																																																					
Libra																																																																																																																																																					
Sorteo # 1092																																																																																																																																																					
471																																																																																																																																																					
X2																																																																																																																																																					
ANOCHI																																																																																																																																																					
	Sorteo # 8202																																																																																																																																																				
0244																																																																																																																																																					
4363																																																																																																																																																					
0150																																																																																																																																																					
X2																																																																																																																																																					
Sorteo # 7246																																																																																																																																																					
9879																																																																																																																																																					
X2																																																																																																																																																					
Sorteo # 1951																																																																																																																																																					
9316																																																																																																																																																					
Sorteo # 6005																																																																																																																																																					
6094																																																																																																																																																					
Geminis																																																																																																																																																					
Sorteo # 935																																																																																																																																																					
831																																																																																																																																																					
X2																																																																																																																																																					
DIADOMINGO MERDIA																																																																																																																																																					
	Sorteo # 4219																																																																																																																																																				
4975																																																																																																																																																					
1794																																																																																																																																																					
3456																																																																																																																																																					
X2																																																																																																																																																					
Sorteo # 4219																																																																																																																																																					
7291																																																																																																																																																					
X2																																																																																																																																																					
Sorteo # 2275																																																																																																																																																					
0360																																																																																																																																																					
Sorteo # 4219																																																																																																																																																					
0548																																																																																																																																																					
Capricornio																																																																																																																																																					
Sorteo # 1093																																																																																																																																																					
845																																																																																																																																																					
X3																																																																																																																																																					



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad:	San Nicolas:
Eagle	San Lucas
Tel. 587 9011	Tel. 584 5119
EMERGENCIA	911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**

Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Por manda nominado pa Copa Hubenil
Gobernador Felipe B. Tromp 2024**

Inscripcion ta habri pa manda nominado pa Copa Hubenil Gobernador Felipe B. Tromp pa aña 2024. Organisacionnan hubenil of personanan individual por manda un nominado pa sea un grupo hubenil of hoben individual pa bini na remarca pa e premio.

E organizacion of hoben mester a destaca durante e ultimo periodo di 1 di april 2023 pa 15 di maart 2024 ariba un of mas di e siguiente terenonan, esta cultura, deporte of actividad social. Lo evalua tambe e conducta ehemplar y liderazgo, specialmente den caso di hobennan riba 13 aña. Y e edad di e hoben(nan) mester ta entre 8 pa 21 aña.

Por entrega e proposicionnan pa nominacion den forma di un portofolio na oficina di Asociacion Trabou pa Hubentud na Caya Appeldam durante oranan di trabou of via e-mail info@athaaruba.com.

E peticion mester ta firma pa un adulto y acompaña di un relato extenso di motivacion pa nomina e hoben of instancia hubenil, recorte di corant, potret y cualkier otro material visual. No ta descarta e posibilidad cu un hoben of instancia cu a gana e premio den pasado of a ricibi un premio di estimulo por bini na remarca atrobe pa gana e premio special aki. E premio lo keda entrega pa Gobernador di Aruba dia 27 di april, Dia di Rey.

Copa Hubenil Gobernador Felipe B. Tromp ta dedica na e prome Gobernador di Aruba, señor Felipe B. Tromp den feliz memoria. Ya prome cu el a bira gobernador, señor Tromp tabata dedica hopi di su tempo liber na trabounan cultural cu ta yuda den formacion di hobennan. Y tabata stimula otronan pa dedica atencion na formacion di nos hobennan, sea riba tereno cultural, social of deportivo.

Chapi y Verf Handiman
Nos ta haci tur sorto di chapi y verf cas, edificio, school. Nos ta tira sushi afo
Cel. 561 1397
217622



Aruba ta un pais chikito cu tambe conoce su retonan pa loke ta trabou riba tereno di formacion di nos muchanan y hobennan. Y sin duda ta na su lugar pa sigui stimula e desaroyo aki den un mundo yen di retonan positivo

pero tambe cu aspectonan negativo.

Pues ultimo dia pa entrega un proposicion pa un nominado lo ta dialuna 15 di april proximo.

Pronostico di tempo

Tempo: Parcialmente nubia cu un posible awasero pasahero.

Temperatura maximo 33 grado Celsius.
Temperatura minimo 27 grado Celsius.
Indice di calor (heat index) den y rond di oranan di merdia: 34 pa 39 grado Celsius,
UV index: 12

Bahada di solo: 6:51pm.
Subida di solo: 6:40am.

Biento: Zwak te modera for di direccion oost te noordoost; forsa 2 te 3 (7 te 19 km/ora, 4 te 10 nudo).
Den dia modera den rafaga; forsa 4 (20 te 30 km/ora, 11 te 16 nudo).

Situacion general di tempo: Un disturbio na diferente nivel di atmosfera lo causa un aumento temporal di humedad den region. Den oranan di marduga pa mainta trempan esaki por pone un



awasero pasahero desaroya localmente.

Condicion maritimo/ estado di lama: Na partinan proteje di costa: keto, rond di 1 pia. Na partinan zuid: trankil te modera, entre 2 pa 3 pia. Na partinan oost te noordwest di costa: generalmente modera cu olanan di 3 pa 4 pia.

Fenomenonan special: Un eclipse penumbral di luna a cuminsa ayera nochi y lo ta parcialmente visible na Aruba. E evento a cuminsa ayera 8:53pm y lo termina 1:32am dialuna.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Bin serka mi tur cu ta cansa y carga
y lo mi duna boso sosiego eterno -
Mateo 11:28

Cu honda pena pero conforme cu
boluntad di Dios nos ta anuncia
fayecimento di:

Teofilo Villano DANIA

Cariñosamente yama: "Lo" y "Tatay"
*29-02-1944 - †19-03-2024



Na number di su :

Señora: Ysabel Arias

Yiunan: Anchie Dania y yiunan
Richard Dania y yiunan
Gwendoline Dania y juinan
Alex Dania

Manera yiu: † Johnny Dania y yiu
Eduardo Dania y yiu
Rosa Maria Brito y yiunan

Rumannan: † Aura y † Boei Ras
Gerarda y † Pancrasio Suarez
† Teresita Gomez-Dania
Elvira Dania
† Swinda Dania
Rudolf y Sita Dania
Lourdes y Orlando Villacis
Erwin y Lucia Dania
Fabiola Dania

Mescos ruman: Lienchi Erasmus

Mama di su yiunan: Marcolina Maduro

Omonan: † Hendrik Dania y yiunan
† Hose Dania y yiunan
† Nicky Hoek y yiunan
† Jossy Hoek y yiunan

Tantanan: † Josefa Bakmeyer y yiunan
Susana Dania y yiunan

Sobrino y Sobrinnan:

Jacqueline Ras y yiunan; Edgar Ras y yiu
Victor Suarez y familia; Soraida Suarez y familia; Harold
Suarez; Mimi y Frank Peña y yiunan; Magaly Suarez
Sigmar Maduro y Lennie y yiunan
Leidimar y Glembert Kock y yiunan; Ghislaine Dania y
Lyrick
Koolman y yiunan; Alicia Dania y Josue Hernandez y
yiunan
Mescos cu sobrina: Dianhdra, Sherwin y Jarred Howell

Nieto y bisanietonan, Ihanan, comer y compernan, primo
y primanan, bisña stima Irma Kock y familia, amigo y
amiganan, Staf y personal Huize Marie Stella seccion Anglo
y Aloe

Y demas familia:

Dania, Loeffstop, Loopstok, Hoek, Ras, Suarez, Maduro,
Danje, Villacis, Silvestre, Willems, Bakmeyer, Wout, Peña,
Alberts, Robert, Henricus, Desbarida, Helder, Kelly,
Franken, Werleman, Paesch, Vrolijk, de Lange, Kock,
Koolman, Croeze, Navas, Leon, Villes, Boekhoudt, Dabian,
Croes, van der Biezen, Howell y Erasmus

Demas familia na Corsow: Leito, Montesant, Pieters, Senior
y Foe

ta invita tur amigonan, bisñanan y conocirnan pa e acto di
condolencia y entierro cu lo tuma lugar diasabra 30 di maart
2024 na Aurora Funeral Home. E restonan mortal di Teofilo
lo ta reposa di 2'or pa 4'or di atardi na Aurora Funeral
Home. Despues lo sali pa Santana Central na Sabana Basora.

Despues di entierro no ta ricibi bishita di condolencia na cas.

Lo tin un box disponibel na Aurora Funeral Home pa
donacion pa obranan caricativo.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flornan por seca,
su recuerdonan y tur loke el a haci
y significa pa nos, lo keda grabá
pa semper den nos mente y curason.
"Cerca Dios mi alma ta na paz,
ta di E mi salbacion ta bin"
Salmo 62:1



Cu profundo tristeza den nos curazon, pero
agradecido na Señor pa tur locual el a haci y
significa pa nos, nos ta anuncia cu a bay sosega
den brasa di Señor

Juan Dominic Semeleer

* 21-11-1931 † 20-03-2024

Casá: Francisca 'Sira' Semeleer-Erasmus

Yuinan:

Irena Semeleer (na Hulanda)
† Meriam Semeleer
Silvia Semeleer
Roy y Beatriz Semeleer - Rios
Jimmy Semeleer
Jackqueline Semeleer

Nieto- y Nietanan:

Giovanni Lew Jen Tai y Nakary Garcia Rondon
Julissa 'Lilly' Croes (na Hulanda)
Anushka Lew Jen Tai
Sasha y Karime Chung - Valencia-Montoya
Sharine Croes (na Hulanda)
Francis 'Kimmy' y Nanock Chung - Richardson
Candred 'Shuby' Lanoy
Jarl Falconi (na Hulanda)
Roger y Jemberlyn Semeleer - Romero
Jowald Theysen
Garvin Semeleer

Bisnieto- y Bisnietanan:

Isabel Lew Jen Tai (na Hulanda), Zuly Hermanus, Trevor Hermanus,
Jurian Lanoy, Jayru Lanoy, Mia-Ava Hermanus, Jazalyn Wilson
(na Hulanda), Jahir Semeleer, Zavian Chung, Jileeny Thijssen (na
Hulanda), Chloé Semeleer

Rumannan:

† Rafael y Maximina Semeleer - Paesch
† Vicente y † Carmen Semeleer - Madriz
† Francisco Semeleer

Subrino- y Subrinnan y nan familia:

Glenda Vrolijk, Francisco Semeleer, Antonio Semeleer, Dominic
Semeleer, Magaly Zievinger, Rafael Semeleer, Johannus Semeleer,
Elvis Semeleer, Mervin Semeleer, † Alvaro Semeleer y Ricky
Semeleer

Swa- y Cuñanan:

† Jacobo y † Rufina Erasmus - Boekhoudt y familia
† Vicente y † Ida Erasmus - Hill y familia
† Pedrito Erasmus y † Rafacla Croes y familia
† Juanita Erasmus
† Ita Erasmus y familia
† Eligio y Antonia Erasmus y familia
Annie y Erwin Vis y familia
Betty y Casin Giel y familia
Norma Erasmus y familia

Primo- y Primanan, Comer- y Compernan, Bisñanan

Personanan aprecia di cas: Eddy Hermanus, Vanessa Rasmussen,
Jurina Maduro, Ricky Loont, Sonia Hopmans, Christina 'Tita'
Sterkenburg - Matos

Ayudantenan di cas: Gloria y Shakira

Demas familia: Semeleer, Erasmus, Croes, Wilson, Thijssen, Lew Jen
Tai, Rasmussen, Hermanus, Chung, Falconi, Richardson, Valencia-
Montoya, Rios, Romero, Lanoy, Theysen, Maduro, Garcia-Rondon,
Loont, Vrolijk, Zievinger, Ruiz, Kelly, Flanegin,
De Kort, Romano, Figaroa

Su ex-coleganan di LAGO y miembronan di IOWUA

Ta invita tur amigo-, amiga- y conocirnan na e acto di entierro cual
lo tuma lugar Diaranson, 27 di Maart 2024, na Misa Santa Anna na
Noord. Nos defunto stimá lo reposa di 9am pa 11am na Misa Santa
Anna, Noord, pa despues sigui na su ultimo lugar sosiego na Santana
Catolico na Noord.

Nos ta lamenta cu despues di entierro nos no por risibi bishita di
condolencia na cas y ta pidi disculpa si encaso nos por a lubida un of
otro familia den nos tristeza.

Aurora

Royal Pray

Funeral Home & Crematory

Blessed is She who has believed that the Lord would
fulfill his promises to her Luke 1:45 Bendishona ta esun cu
a kere cu loke Señor a bise lo wordo cumpli Lukas 1:45
Y bienaventurada la que creyó, porque se cumplirán las
cosas que le fueron dichas de parte del Señor 1:45



Cu un Inmenso Dolor na nos Curazon, Pero
Infinitamente Agradecido pa e Bendishon di su Guia,
Amor, Ehempel di Curashi, Perseverancia, Alegria y Fe.

Nos ta anuncia Fayecimento Inespera di nos Reina, Angel
di Fe y Amor, Cu un Curazon Bondadoso di Oro, Un
Luz pa tur y Tambe cu su Chispa, Un Dama coqueta y
Hopi Stima:

Sra. Jesmine Maria Vrolijk Jacobs

(Martinez, Granadillo)

Cariñosamente yama: "Maria, Mami, Mama, Grote Oma, Mi Ruman, Tanchie, Tante, Tia,
Prima, Kim, Jemien, Jessemientje, Mama Jesmine, Mi Amiga di Facebook.
*6 December 1956 - †16 Maart 2024

Su Gran Amor y Esposo Stima
Mario "Mai" Ilario Vrolijk

Su Reinanan y Gran Orguyo, su Yuinan.
Zaira Vrolijk
Shandra Vrolijk y Windy Joung

Yuinan di Crianza
Zoraima Correa
Rudleen Correa

Su Mayor Tesoro y Orguyonan, su Nietonan
Jimmar Cornes
Zairacy Colmenares

Tesoro di Su Mayornan, Stima y Honra
† Gladis Jacobs y † Carlos Martinez Granados
† Neris y Flor Granadillo

Su Segunda Mama, Tanta y Madrina Stima
Reneta Jacobs

Su Rumannan Stima, Swanan y Cuñanan Stima:
Juan "Tico" y Alba Ligia Jacobs
Gizet y Danilo Rodriguez
Francis y Sue Granadillo
† Leslie y Lisette Granadillo
Joel Granadillo
Zulay y Pedro Ras Granadillo
Zulma y Harold Trapenberg Granadillo
Jairo Granadillo

Manera Ruman
Carina Maduro y Famia
Adaluz Carascal y Famia
Carmen Zuleta y Famia
Lilian Kingsale y Famia

Tantana y Omonan
Reneta Jacobs y Famia
† Guillermo Jacobs y Famia
Mirto y Maria Granadillo y Famia
Omaya Everts Granadillo y Famia

Su Tata di su nieta Gregory Colmenares

Ihanan

Aura Estella Martinez, Rose-anne Jacobs, Luis Carlos Carascal, Luisa Cristina Oñate
Zuleta, Gisdayna Rodriguez-Salamatina, Shannaya Rodriguez

Prima y Primonan

Lydia Jacobs y Famia, Daniel Jacobs y Famia, † Nelson Jacobs y Famia, Carmen Jacobs y
Famia, Marina Hernandez y Famia, Adaluz Carrascal y Famia, Jorge Rodriguez y Famia,
† Jose Rodriguez y Famia, Mabel Rodriguez
† Guillermo Soto, Johnny Soto y Famia, Henny Soto y Famia, Norma Soto y familia,
Dirtza Ras Dominguez y Famia, Sonaly Croes Dominguez y Famia, Odalys Croes
Dominguez y Famia, † Juni Dominguez y Famia, Anuar Dominguez y Famia, Marla Thiel
Dominguez y Famia, Ruthmila Donata Granadillo y Famia, Mirella Granadillo y Famia,
Jouraine Granadillo y Famia, Franklin Granadillo y Famia, Manuel Salazar y Famia,
Rosella Salazar y Famia, Guise Salazar y Famia, Valeska Everts y Famia, Ronald Everts
y Famia, Milton Granadillo y Famia, Michael Granadillo y Famia, Monica Granadillo
y Famia, Janet Navas y Famia, Wilmer Navas y Famia, Betty Maduro Medina y Famia,
Gerardo Medina y Famia

Su Subrina y Subrino cu Lo Stime pa Semper y Nan Famia

Gisdayna y Jade Salamatina-Rodriguez, Gisdan y Lisette Rodriguez-Helder, Gislaine y
Frenzie Boekhoudt-Jacobs, Rose-anne y Roderick Albus-Jacobs, Adair Jacobs, Jean y
Angelic Trimon y nan Famia, Brandon Trimon, Juan Camilo Jacobs, Catalina Castro y
Famia, Diego Arango Y Famia, Zulayka y Rodlimar Centeno, Zuhaily Ras y Justin de
Castro, Luigi Ras y Antonia, Naudy y Nina Michel y Fam., Nerissa y Bas Scheepers
Michel, Nyleen Michel, Angelo y Cinar Franken, Sara Marise Granadillo Biaggi
Granadillo, Aiden Granadillo, Neries Granadillo

Sobre subrino y Sobre subrinnan Stima manera Nieto nan
Jadan Salamatina, Giamaylla Rodriguez, Jadh Salamatina, Shannaya Rodriguez, Shannella
Rodriguez, Jaylah Salamatina, Jayron Trimon, Kevin Trimon y Famia, Zoë Boekhoudt,
Rodmar Albus, Zayne Boekhoudt, Roshanne Albus, Keisia Querales, Joshua Osman,
Rose-Ella Albus, Rodward Albus, Hubert Kingsale y Famia, Eugene Kingsale y Famia,
Sveny Maduro y Famia, Emeline Webb y Famia, Shiara y Riley, Bencho

Tambe su Prima y Primo nan, Comer y Comper nan y su Iha nan, Amigo nan y Bisña
nan Stima.

Demas Famia

Jacobs, Granados, Martinez, Granadillo, Vrolijk, Rodriguez, Salamatina, Trimon,
Limonier, Henriquez, Colmenares, Raven, Maduro, Webb, Hernandez, Helder, Bislip,
Everon, Nadal, Carascal, Martinez, Hernandez, Sanchez, Cornes, Reina, Van der
Blick, Tromp, Driks, Dirks, Zuleta, Nedd, Pinto, Brete, Bregita, Pena, Velazquez,
Rozenberg, Gei, Marciano, Kelly, Arcaya.

Su Grupo nan: Famia den Moveshon, Class of 1977, Grupo Ozias.

Ta invita tur familia, amigo, bisña, conocirnan, Pa su Despedida y Celebración di Bida
Entierro 26 di maart 2024 na Kapel di Tanki Leendert, Juan Pablo II for di 2:00 pm sigui pa
Santana di Noord.

Anochi di Condolencia lo ta 25 di maart 2024 na Aurora Funeral Home 7:00 pa 9:00 PM
Misanan na Kapel di Tanki Leendert, Juan Pablo II
28 maart 2024 dialuna 6:30 Pm, 30 maart 2024 diasabra 6:00 Pm, 31 maart 2024
diadomingo 9:00 Am

Como cu e ta Devoto di Divino Nino nos lo companje na color roos, y ta desca pa
companja nos den color nan alegre pa Celebra su Bida yen di Alegria.

Nos disculpa si den nos momento di tristesa nos por a lubida un ser keru

Atake mortal riba centro di concierto na Moscu ta genera duda riba seguridad den e pais

(AP)—Rusonan den shock a trece flor na e centro di concierto Crocus City diasabra pa muestra respet na mas cu 100 hende cu a muri den un atake horroso, pa cual e grupo di estado Islamico a tuma responsabilidad.

E atake a sosode algun dia despues cu presidente Ruso Vladimir Putin a cementa su dominio riba poder por medio di sigura un di cinco termino despues di reprimi bosnan den oposicion durante un eleccion extremadamente plania. E atake tabata esun mas mortal na Rusia den varios aña y a laga e centro destrui.

E asalto a laga hopi hende den Moscu cu shock y a recorda hopi di atakenan similar cu a tuma luga den e prome añanan

di Putin su presidencia. Aunke e estado Islamico a tuma responsabilidad, Putin a punta dede na Ucrania, cu cual Rusia ta den guerra pa tres aña caba. E no a cita ningun evidencia pa su declaracionnan.

Mientras cu e conteo di morto a subi y Putin a ordena mas medida di seguridad den e pais, algun Ruso tabatin pregunta. “Tin camara tur caminda cu por sigui hende den oposicion bayendo na un manifestacion, y ta stop nan tambe den e metro. Pero seguridad basico no a traha den un evento publico,” segun Ekaterina na Moscu, refiriendo den e abordamento prome cu eleccion. E, manera varios otro Ruso cu a papia cu AP, a nenga di duna fam debi na motibonan di seguridad. Television di e estado Ruso a



enfoca riba condolencianan for di lidernan den exterior y e dolor den e pais. El a comparti imagennan di e sospechosonan y a muestra potretan bishitando hospital y dirigiendo e operacion di limpieza.

Agencianan noticiero na Rusia a muestra hende den rij pa dona sanger. Nan a bisa cu mas di 3,000 hende a dona sanger caba pa victimanan di e atake. A pesar di un cubrimiento superficial, television estatal a falta informacion clave di e atake, cual a causa algun Rusonan pro-West pa busca mas detaye otro caminda.

Rusia no ta un stranhero pa atakenan en massa cu conteonan di morto halto. Durante e añanan 2000 y 2010, un serie di bombardeo suicidio y atake a tuma luga den Moscu, incluyendo e acoso na e teatro Nord Ost na 2002, unda 132 rehen y 40 rehen Checo a muri despues

di un respuesta di rescate mas maneha.

Mayoría di e atakenan a ser conduci pa separatistanan Islamico for di Caucaso Norte, pero den e ultimo añanan, nan a stop. Un ausencia relativo di violencia asina a gaña Rusonan den un sentido di seguridad, hasta mientras e ehercito di e pais ta bringa cu Ucrania. E hecho cu autoridnan no por a stop e sospechosonan di causa destruccion den e centro di concierto, cual supuestamente tabatin medidanan di seguridad implementa, a spanta hopi Ruso.

Den un chat group riba red social for di un barrio cerca di e centro di concierto y centro comercial, Rusonan a discuti ki precaucion nan lo tuma durante e proximo dianan. Varios a sugeri pa temporariamente stop di bay den centro comercial y luganan druk.

Putin a yama e atake “un acto di terorista barbarico” y a urgi “nos camaradanan y tur ciudadano den e pais” pa bini hunto. Den un adres nacional, el a alega Ucrainiano a purba crea un “oportunidad” pa e sospechosonan scapa via frontera.



Minister di Chipre ta bisa cu propuesta pa crea zonanan di seguridad den Siria pa refugiadonan ta avansando

(AP)—Un propuesta for di e gobierno di Chipre pa crea repatriacion pa refu-

giadonan Sirio por medio di designa areanan specifico dentro di e pais como

zonanan di seguridad ta “avansando” entre e coleganan di e nacion dentro

di Union Europeo, segun e minister di Asunto Interior Chipriota a bisa dia-bierna.

gando via boto. E gobierno Chipriota ta urgiendo ambos Europol y e agencia di UE pa proteccion di frontera FRONTEX pa aumenta patruya na e frontera maritimo di e bloque sureste pa asina mitiga entradanan di migrante.

“E repatriacion di nacionalnan Sirio bao condicionnan estricto lo alivia nos facilidadnan di recepcion pa migrante y contribui na e integracion exitoso di migrante,” Ioannou a bisa. Siman pasa, aproximadamente 450 migrante Sirio riba seis boto a ser observa riba costa sureste di Chipre dentro di un periodo di 24 ora. Tur seis boto a sali for di Lebanon.

Cifranan oficial ta muestra cu aunke yegada di migrante den Chipre en general ta significativamente abao, e entrada di refugiadonan Sirio a aumenta skerpi.



Minister Constatinos Ioannou a bisa despues di discusionnan cu vice presidente di e Comision Europeo Margaritis Schinas cu e ta e “conviccion di varios estado cu ta tempo pa yega na un reto colectivo” pa discuti e posibilidad pa designa zonanan di seguridad 13 aña despues cu e conflicto na Siria a cuminsa.


Ioannou a bisa cu den luz di e peligro cu e guerra entre Israel y Hamas na Gaza por tuma Lebanon y otro estadonan den Medio Oeste, ta un deber di UE pa yega na un decision colectivo riba Siria. E minister a bisa cu polis Chipriato a crea un ekipo dedica pa aborda operacionnan di traficacion di hende cual el a bisa ta responsable pa un aumento recien di refugiado Sirio ye-

Biden y Trump ta gana eleccion primario na Louisiana despues di a sigura nominacion caba

(AP)—Presidente Joe Biden y ex-presidente Donald Trump a gana e eleccion primario na Louisiana diasabra, colectando mas delegado despues cu nan a sigura nan nominacion di partido caba.

Biden tambe a presenta den e primario democratico na Missouri, y ta anticipa cu lo reporta e resultadonan te otro siman. Ningun di e caredanan tabata den suspenso. Biden y Trump ya a gana nan competencia mas grandi. Pero fuentenan cercano ainda ta observando e eleccion primario pa algun señal di votadonan den protesta.

Pa Biden, algun liberalnan ta registrando nan rabia cu e guerra di Israel contra Hamas siguiendo e atake pa e grupo militante dia 7 di october aña pasa. Mas cu 30,000 hende, dos



tercer di nan hende muhe y mucha, a ser asesina pa autoridadnan na Gaza desde cu Israel a lansa su ofensivo. Un movimiento di protesta lansa pa comunidanan Arabico-

Mericano na Michigan a plama den otro estado.

Trump ta e figura dominante di su partido y a sigura un tercer nominacion Republicano tras di otro. Pero e ta enfrentando disentiendo di hende preocupada pa e peligro legal inmenso cu e ta enfrentando of cu ta critico di su termino den e Cas Blanco, cual a caba trempa despues di e insurreccion dia 6 di januari causa pa su teoriaman falso di fraude den eleccion.

E eleccion primario diasabra tabata e prome competencia presidencial maneha pa e Missouri Democratic Party desde cu un ley nobo a tuma efecto na augustus 2022. E primarionan di Louisiana ta bin casi cuatro aña despues cu e estado tabata e prome pa pospone su primario debi na e pandemia di coronavirus.

Candidato perdedor den eleccion presidencial Indones ta exige revoto, alegando fraude

(AP)—E campo di e candidato perdedor den e eleccion presidencial Indones a entrega un keho cu e Corte Constitucional diasabra alegando fraude na e stacionnan di voto y demandando un revoto.

Un equipo legal di Ganjar Pranowo, ken a haya apoyo di e Democratic Party of Struggle Indones, a bisa cu e kier e presidente eligi, Prabowo Subianto, y su vice presidente, Gibran Rakabuming Raka, descualifica.

“Nos ta exige e Corte Constitucional pa ordena e Comision General di Eleccion pa administra un revoto,” segun Todung

Mulya Lubis, un abogado representando Pranowo y su compañero di eleccion Mohammad Mahfud. El a bisa cu nepotismo y abuso di poder tabata e causa di e keho.

El a bisa cu e candidacia di Raka, e yiu homber di presidente Joko Widodo, no mester a ser permiti y a alega cu algun lider regional y lidernan di pueblo a ser intimidada pa vota p’e. Tambe el a alega cu a usa e fondonan estatal pa compra voto.

“Nos ta na un momento hopi decisivo den bida como un nacion y estado,” Lubis a bisa. “Democracia ta importante, e regla di ley ta importante, e

constitucion ta importante, y nos no kier pa esaki ser sovoca, nos no kier pa e ta viola.”

Pranowo y Mahfud a ricibi 16.5% di e votonan, e conteo mas abao entre e tres competidornan durante e eleccion di dia 14 di februari, segun e resultadonan final. Subianto, e minister di Defensa cu a ser acusa di abusonnan di derecho humano bao di un dictadura den pasado, a gana cu 58.6%.

E runner-up, ex-gobernador di Jakarta, Anies Baswedan, ken a ricibi 24.9% di e votonan, tambe a alega iregularidadnan y fraude durante votamento. Su campo a entrega un desafio legal diahuebs.

Ambos candidato perdi a critica e participacion di Raka den e eleccion. E Corte Constitucional a haci un excepcion na e requisito di edad minimo di 40 pa candidato. Raka tin 37 aña. Anwar Usman, ken tabata e hues principal di e corte ora a haci e excepcion, ta sua di Widodo. Un panel di etica a forsa Usman pa retira pa fracaso di aleha su mes di e caso y tumando decisionnan di ultimo momento na e requisito di candidacia, pero a permiti’e pa keda den corte tanten cu e



mes no participa den casonan relaciona cu eleccion.

Lubis a bisa cu su equipo lo trece aproximadamente 30 testigo a pesar di dificultadnan pa procura nan presenta den corte pasobra el a bisa cu algun di nan a ser intimidada pa autoridadnan. El a reconoce cu pa desafiar un resultado electoral exitosamente cu un margen asina grandi di victoria lo ta dificil.

“E no ta cuestion di gana of perde,” el a bisa. “Nos ta dispuesto pa perde si ta husto, nos no kier perde si ta inhusto.”

Vocero pa e Corte Constitucional Fajar Laksono Suroso a bisa cu ambos keho lo haya audiencia dia 22 di april y lo publica un veredicto dia 7 di mei. No por apela e huicio. Esaki lo ser dicidi pa ocho hues envez di e corte completo di nueve miembro pasobra Usman mester aleha su mes.

E partido gobernante di Indonesia a haya un victoria record durante e eleccion legislativo den februari, ganando mayoria voto pa di tres biaha tras di otro. E partido, di cual su presidente ta Megawati Soekarnoputri, a gana 16.7% di e voto y ta pronostica di tin 110 asiento den e parlamento di 580 miembro. Golkar Party, lidera pa e minister di Economia actual, Airlangga Hartato, a sali segundo cu 102 asiento, sigui pa e Gerindra Party di Subianto cu 86 asiento. E resto a bay na e cinco otro partido.

Widodo a haya critica pa apoya Subianto. E presidente demisionario a distancia su mes for di su mesun partido, PDIP, y a haci un serie di movida considera como un apoyo pa e campaña di Subianto. Presidentenan Indones mester keda neutral den eleccion pa reemplaza nan.



Algún di casi 300 mucha secuestra libera despues di varios siman

Al menos 137 di casi 300 muchanan Nigeriano secuestra mas di dos siman pasa for di nan school den estado noordoost di Kaduna a wordo libera diabierna, ehercito di e nacion Oost Africano a bisa.

Un declaracion anterior di e gobierno a sugeri cu a liberatur e studiantenan. Hombrenan riba brommer a invadi e school di Kuriga riba 7 di maart y a dirigi e muchanan den e boskenan prome cu forsa di siguridad por a yega, mientrastanto famianan spanta tabata mira sin por yuda. Autoridadnan di school a bisa cu un total di 287 estudiante a ser secuestra durante e atake, al menos 100 di nan cu edad di 12 aña bay abao.



Al menos 1,400 studiantenan a wordo secuestra for di scolnan Nigeriano desde 2014, ora militantenan di Boko Haram a secuestra centenares di mucha muhe for di bario Chibok di e estado Borno. Den añanan reciente,

secuestro a wordo concentra den e regionnan noordoost y central di e pais, unda decenas di grupo arma a tuma pueblo y biaheronan pa rescate.

E 137 mucha a wordo rescata na e estado di Zamfara, un

enclave notorio pa secuestro mas cu 200 kilometer for di nan school, e vocero militar Nigeriano Maj. Gen. Edward Buba a bisa den un declaracion.

Potretnan publica pa ehercito Nigeriano a mostra e muchanan den condicion malo, cu nan paña yena cu santo, ainda bistiendo nan uniforme di blauw, blanco y bruin mientras nan ta ser transporta despues di nan liberacion. Lidernan di Kuriga a uni cu otro oficialnan di gobierno pa warda riba nan yegada na e oficina di gobierno estatal di e estado di Kaduna.

Al menos 17 otro estudiante den e estado di Sokoto tambe

a ser rescata dos siman despues di nan secuestro, segun un declaracion emiti diabierna pa e gobierno di estado di Sokoto. Gobernador di estado di Kaduna, Uba Sani, ken prome a anuncia e rescate, no a duna detaye tocante e operacion. Su oficina no por a claria e diferencia den e cantidad di esnan libera.

Bao presion creciente pa trece un fin na e secuestro nan masal den Nigeria, presidente Bola Tinubu a priminti cu su administracion ta “desplegando strategianan detaya pa sigura cu nos scolnan keda santuarionan safe pa siñamento, no luganan pa secuestro sin sentido.”

Alcalde di New York ta cancela bishita na frontera, citando preocupacion pa seguridad na Mexico

(AP) — Alcalde di New York City a cancela un bishita planea pa ayera na e frontera Merca-Mexico pa motibo di preocupacion pa seguridad. Alcalde Eric Adams tabata programa pa sali diasabra nochi pa bishita Brownsville y McAllen, Texas. E Demócrata tabata spera pa reuni cu lidernan di inmigracion Mericano mientras su ciudad ta confronta problema pa alberga migrantenan nobo cu ta buscando asilo.

Pero vocero di Adams, Amaris Cockfield, a bisa ayera cu Departamento di Estado



Mericano a adverti di preocupacion pa seguridad na un di e paradanan planea pa e alcalde na Mexico, pa loke su

oficina a pospone e biahe.

Adams tabata invita pa bin frontera sur door di Soeur

Norma Pimentel, director checutivo di Caridadnan Catolico di Rio Grande, el a bisa.

Den un bishita na El Paso, Texas na januari, Adams a ofrece un critica fuerte di e respuesta di gobierno federal pa e aumento di migrante dentro di ciudadnan Mericano leu di e frontera.

E ex-agente di polis di NYPD tambe a haci un tour di cuatro dia na Latino America na october, durante cual a bishita Mexico, Ecuador y Colombia y a implora hende pa stop di haci e biahe peligroso pa Merca.

Mas cu 180mil migrante a yega New York City desde spring di 2022, segun oficina di e alcalde. Mas di 64mil ta den cuida di e ciudad a traves di su mas cu 200 shelter di emergencia. Siman pasa, oficialnan di e ciudad y defensornan di derechonan humano a yega na un acuerdo riba esfuerso di Adams pa suspende e politica di “derecho pa shelter” di e ciudad. E acuerdo aki esencialmente ta caba cu e rekisito di e ciudad pa duna shelter na immigrantenan adulto sin limite di tempo. Awo, oficialnan por dicidi si ta permiti un migrante keda den un shelter despues di 30 dia basa riba cada caso.

United Airlines ta bisa cu reguladornan federal lo aumenta control di e compania

(AP)—Reguladornan federal ta aumentando nan control di United Airlines, segun e compania a anuncia diabierna, siguiendo un serie di problemanan recién incluyendo un pida di e fuselage pafo cu a kita cay for di e nave, un candela di motor y un avion perdiendo wiel durante aterisahe.

Vice presidente di seguridad corporal pa United Airlines, Sasha Johnson, a bisa cu e Federal Aviation Administration lo examina “varios area di nos operacion” pa sigura cumplimento cu seguridad. Johnson a bisa cu FAA lo

pausa actividadnan di certificacion pero no a provee mas detaye. E agencia a bisa cu e ta “controla rutinariamente tur aspecto di un operacion di un aerolinea” y no ta describi ningun stap adicional cu e ta tumando den e caso di United. Den un declaracion, un vocero di e agencia a bisa cu control di FAA “ta enfoca riba e cumplimento di un aerolinea cu regulacionnan aplicable; habilidad pa identifica riesgonan, evalua y mitiga, y efectivamente maneha seguridad.”

Na comienso di siman, administrador di FAA Mike Whitaker a conta NBC

News, “Nos ta tumando un bista na cada un di e incidentenan aki y wak si tin un patronchi...ningun hende gusta mira e aumento den incidentenan asina.”

Whitaker a bisa cu el a papia cu CEO di United Scott Kirby tocante e eventonan. Separadamente e siman aki, Kirby a purba di sigura clientenan cu e aerolinea ta safe, bisando cu e problemanan recién no tabata conecta cu otro.

Kirby a bisa cu e aerolinea tabata planeando caba un dia extra pa train piloto cuminsando den mei y pa haci cambianan den curriculum



di training pa mecaniconan nobo y cu e lo considera mas cambio.

Entre e problemanan mas recién, un pida di un cuero aluminium a cay for di e bariga di e Boeing 737 di United despues cu el a yega Or-

regon. Na comienso di luna, un nave di United a sufrí di un candela di motor durante aterisahe for di Houston, y un taira a cay for di un otro nave di United mientras e tabata saliendo for di San Francisco.